

全  
閩  
詩  
話

詩本於志而形於樂志為臣子忠孝之所  
宣而一遇士女相感謠俗好惡之異  
宜剛柔燥濕不一而性隨之寓諸聲者固  
可知矣故國史採之而隸于太師以時歌  
之將以使王者知人情而審為之備而其  
吉凶得失之故則識微君子亦因得以考  
焉蓋吳季札觀于周樂其所以推十三國  
之得失者其後畧駘而班固地志亦援其



言為徵以明詩之所發甚深著于風俗雖數百年尚未改也閩中在周盛時隸於職方去吳尤遠在八蠻九貉之列其樂附屬鞮鞻氏然語言須譯而後通俗尤僻陋歌謠殆無可採者至唐乃始稍稍出唐以詩取士士生其間比諸漢人無不能為文者而閩中風氣卑弱獨不能與諸方齒其弊然特見於時者歐陽生一人而已至五季

之亂衣冠之族隨王氏南遷接以宋興太祖太宗之治百餘年間秀士杰人磊落爭出若楊文公蔡忠惠謝景山王深甫兄弟皆以詩文雄視天下迄於南渡元明之盛劉後邨嚴儀卿楊仲弘陳衆仲高廷禮鄭善夫王道思之倫最其佼佼者也其能既見於天下天下之人得而論之因是衰其論都為一集而以識微之意考之則作者

所志之得失與一時之好惡可得而見矣  
吾鄉荔鄉鄭先生服官三十年著述不輟  
成金閩詩話一書行世其書援據該博自  
游寓釋老神仙鬼物以及方言土產足資  
聞見之益者咸列于編而又下逮並世諸  
人巖廊草澤皆搜抉無隱以見其志先生  
早年成進士與其兄石幢先生文名震天  
下由州縣歷郡守屢舉治跡尤異所交皆

四方賢豪蓋孟子所稱天下之士不當以  
鄉國私者而殷殷網羅故土之遺文如此  
蓋詩曰維桑與梓必恭敬止明不忘本也  
傳曰泰山不讓土壤滄海不擇細流若是  
者欲善無厭也先生之書于二者可謂兼  
之矣先生予告在充數百里書來命序故  
余探詩原本歷叙閩詩作者盛衰為序其  
大意如此抑又聞先生所自著詩兼歷代

之體高者得國風遺意風行天下已久乃  
以余之固陋尚未及見也他日者受以卒  
業當得并論之建寧後學梅崖朱仕琇序

嘗攷分地論詩自十五國風始後之載  
筆者類皆採芳撝藻艷稱土風若宛雅  
龍眠風雅甬上耆舊詩諸書捃拾見聞  
彬彬可誦雖體裁各別要以三百為權  
輿也閩詩晚出作者代不乏人事蹟流  
傳六時見於他詠獨未聞有彙次詩話  
勒成一書者乃今晉安鄭荔鄉先生始  
奮起為之先生負吏才屢徵尤異校簿



之餘鉛槧不去手詩古文詞皆驚采絕  
艷復學奉為雅宗余曩遊歷亭適先生  
守武定思往見不獲至申分校禮闈而  
先生猶子天錦首出吾門談次及家學  
乃知先生著述充棟尤詳於詩嘗就衡  
齋作詩話軒藏書萬卷日穿穴其中計  
所輯詩話五六種皆已裒然成書矣今  
年余奉

命親學粵東路出兗州先生適守郡相  
見如故交隨出全閩詩話命序曰吾宦  
遊久聊以寄來梓之情也先是先生刊  
五代詩話膾炙藝林今是書也行武夷  
旗鼓之區其自是益增靈異乎吾觀前  
代詩選惟晉安風雅篇列閩詩然不著  
本事若筆精小草齋所載又皆廣摭博  
引不必盡繫閩中因歎海邦雄秀甲東

南而自唐宋至今千數百年其間騷人  
墨客勝事義談不可勝數而半歸湮沒  
塵有存者亦徒散寄群碎錄中不能荟  
萃成書以明示宇宙使博覽者不獲窺  
其籍強記者不倚盡其詞豈非彼都人  
士之責歟先生以閩人徵閩事以閩事  
繫閩詩州分部次燦若列眉其大者志  
善敗而別勸懲即瑣事微文亦皆逸趣

橫生悠然想見風人之寄托然則閩詩  
雖晚出不得列於國風卽以是書當瞽  
史之合吹輜軒之外紀可也而豈徒鍾  
儼南音莊舄越吟云爾哉先生所著書  
詩話外尚有嶺海叢編嶺海文編五數  
十卷文采斐然足補志乘所未備余謂  
宜並出枕中公諸海內他日才女之間  
見若珠光劍氣熊羆旦旦者其卽文字

之祥也夫

乾隆甲戌仲秋望後昆陵學弟劉星煒  
拜題於粵東使院

全閩詩話例言

不佞自丁未出山離鄉幾三十載故園松菊夢寐不忘往往寄之筆墨凡所纂輯閩地爲多如嶺海叢編嶺海文編二種皆八九成書茲詩話遂先災梨棗昔宗少文畫山水以當臥遊不佞每把此編輒覺九曲三山往來几席而自循種種江關之感轉深矣

詩史相因詩話與誌書亦相爲表裏無論人物藝文彰彰具備卽其州分部次居然星野疆域之遺觸景撫時大有古蹟山川之賦載軼事則風俗禮儀並舉詠農家則田賦物產兼收以至貝葉雲編典搜方外極之神經怪牒例倣志餘是皆史乘之外篇足備輶

軒之博採至於識大識小存乎其人見智見仁欣於  
所遇猶之或以封或以泝泝統均取之不龜手之藥  
而已

閩中風氣開自歐陽行周故論閩詩者首列四門一  
集然誦苜蓿闌干之句則巨靈手不得不推明月先  
生矣華路藍縷急錄首庸而六朝遊宦諸公亦廣爲  
收羅以著風雅代興之始

詩話繫於閩所載固多閩產亦有非閩人而閩涉閩  
事者義蓋本諸三百篇如黎之臣子許之夫人皆附  
衛風之列楚材晉用不得謂遷其地弗能爲良也  
朱子集理學之成有作皆羽翼經傳然少日嘗以詩

人徵今讀其詩淳古澄澁誠南宋一大作手也其他  
道學諸公篇什亦多可採至若鄭監門陳了翁之忠  
義李忠定之功名謝臯羽鄭所南之孤憤皆不徒以  
風雅擅名而人品既高詩品自峻景星慶雲爭先覩  
之爲快故凡有論列細大不捐

不佞年來論著皆廣徵舊籍不贊一詞故有其人爲鄉  
評物議指摘交加而是編但論其詩不及臧否者他書  
所詳吾不得而畧他書所畧吾不得而詳且詩話說詩  
耳其人賢否不與焉亦事先輩之禮也其存者提命尊  
之其歿者詆訶及之而可乎詩曰維桑與梓必恭敬止  
自嚴滄浪區別四唐高廷禮因之以選品彙正聲遂



流爲晉安一派終明之世館閣宗之

獨昌

言擊排而近日漁洋翁復取其說二公皆具正法眼  
藏持論乃分左右袒何也愚謂墨守輪攻言各有當  
當之時論詩者以摹倣爲能邪許同聲笑啼不  
敢如學邯鄲者喪其故步其弊也失之襲故不得不  
掃除蹊徑教人自爲漁洋承廓之後學者視嚴高  
猶鳩媒其書屏不敢視其者祇唐禰宋喙點前人如  
僞學禁行士人爭飲博狹邪以求自別其弊也失之  
野故漁洋復思反正之功譬之大將馭兵寬嚴各別  
名醫用藥寒熱惟時於以蕩寇而活人一也閩川多  
名士必能是正吾言

古稱傳聞異詞驟難訂正卽以是書撮舉一二言之如詩山得名而歐陽詹陳嵩歐陽櫝之不解江爲受姓而江淹江洪之莫詳李玉溪之題武夷山也或云托言或云親至江文通之爲吳興令也或謂湖州或謂浦城蓋齊魯毛韓之不相爲謀久矣楚人以爲鳧越人以爲鳧安得起百世而斷其是非乎

文選不收閒情賦東坡大以爲議茲有先正時賢爲世指名而佚其姓氏者以是篇皆抄撮羣書羣書所無卽不能記錄也惟詩鈔小傳爲鄙人自著問世已久因援漁洋古權錄引用居易錄各書之例節抄數則以補闕遺

記曰顯揚先祖崇孝也故龍門自序原本先人下逮  
王家守其故物錢氏表厥舊聞皆考獻徵文不敢數  
典而忘其祖寒家掌故矩矱高曾而先太恭人暨石  
幢先兄軼事流傳籍甚士夫之口備登於策用識一  
家言云

少日趨庭講求聲律因得聞前輩名篇如金海門  
遼陽九日出塞幾時能入塞遼陽此日又重陽直指  
某公九日登明遠樓望上貪看三戰壘籬邊錯過幾  
回花欲奏太平須白面如逢佳節必黃花某公耿變  
感事欲覓田橫五百士已逃項羽八千軍仙霞鳥道  
皆無險天下全師盡入閩孫鳳老名失西湖聯句四野

笙歌猶有窮民啼夜三六橋花柳可無餘地種桑麻  
薦舉鴻博福清某廣文聯句到福清亭些清福做齋  
長吃盡長齋麗句清詞童年耳熟又泰寧明經江西  
銘考集中有苦雨一聯云由榻而前皆滑徑除琴以  
外少乾柴餘詩亦剪刻生新不龔牙後慧惜皆散佚  
無存矣然吳江楓冷一語堪傳又何必如買某之求  
益聊

是書甫發凡吾友林蒼巖

正

在小海聞之以所輯榕

海詩話寄示提綱挈領文彩斐然惜其僅及福州福  
寧又時代至明而止不佞乃合全閩十郡自晉迄今  
之美談勝事瑣義微文彙次而整齊之遲久成書又

遲久付梓至是蒼巖已早賦遂初而余亦投劾矣嗟  
乎秋風砍臆每牽張翰之思樽酒論文猶起杜陵之  
興他日角巾歸里對坐榕陰行出是編與蒼巖訂之  
初書成欲開雕卒卒未暇閱今七八載意亦少衰矣  
會魚臺饒使君燕夢見其書好之爲鳩工南陽越五月  
告竣昔董生奏稿弟子目爲大愚楊氏苒 旁人議  
其自苦不佞無似而敝帚之享乃得免於覆瓿補袍  
所得視昔賢多矣至校字監工半出族孫九有之力  
例得附書

荔鄉鄭方坤識

引用書目

閩書

閩省通志

閩志

閩川名士傳

閩遊志

閩大紀

閩小紀

福州府志

福清縣志

永福縣志

羅源縣志

興化府志

莆陽志

泉州府志

永春州志

惠安縣志

泉南雜志

福寧州志

建寧府志

建寧縣志

崇安縣志

浦城縣志

武夷山志

武夷山記

尤溪縣志

光澤縣志

治通志

淳熙三山志

清源文獻志

杭州府志

西湖志

西湖新志

西湖志餘

嵯縣志

衢州府志

撫州府志

袁州府志

湖廣總志

姑蘇志

地輿志

清波雜志

曠園雜志

明道雜志

續明道志

江隣幾雜志

夷堅志

睽車志

涉異志

名勝志

十國春秋

太平廣記

明史藁

吳越備史

江南野錄

江南野史

全唐詩紀

全唐詩錄

全唐詩話

唐人試帖

六一詩話

溫公詩話

中山詩話

漫叟詩話



西清詩話

彥周詩話

蔡寬夫詩話

後山詩話

竹坡詩話

隱居詩話

珊瑚詩話

高齋詩話

紫薇詩話

吳禮部詩話

碧溪詩話

梅礪詩話

蓮坡詩話

庚溪詩話

臨漢詩話

娛書堂詩話

二老堂詩話

古今詩話

滄浪詩話

桐江詩話

後邨詩話

石林詩話

歸田詩話

懷麓堂詩話

小草齋詩話

西河詩話

漁洋詩話

靜志居詩話

榕陰詩話

榕海詩話

五代詩話

少洲詩話

潘子真詩話

金玉詩話

誠齋詩話

詩話總龜

漁隱叢話

玉壺清話

菊坡叢話

冷齋夜話

道山清話

谿山餘話

避暑錄話

剪燈新話

剪燈餘話

分甘餘話

西溪叢話

名賢清話

金粟詞話

半庵夕話

揮麈餘話

揮麈後錄

清異錄

歸田錄

聞見近錄

侯鯖錄

名臣言行錄

東臯雜錄

過庭錄

雲齋廣錄

澠水燕談錄

倦游雜錄

竹窓雜錄

墨莊漫錄

東軒筆錄

上庠錄

螢雪叢錄

隨隱漫錄

鑑戒錄

謁夢錄

輟耕錄

集古錄

餘冬序錄

丹鉛錄

丹鉛總錄

樹堂錄

東齋錄

寒夜錄

居易錄

矛庵雜錄

能改齋漫錄

復齋漫錄

尚友錄

春明退朝錄

拊掌錄

銷夏錄

讀畫錄

畫漫錄

吹劍續錄

賓退錄

夢梁錄

榕村語錄

四朝聞見錄

邊州聞見錄

林間錄

古權錄

北苑貢茶錄

異聞總錄

湘山塾錄

聞見後錄

知新錄

海錄碎事

宋稗類鈔

晞髮集鈔

晞髮近藁鈔

歲抄

託素齋文鈔

西塘詩鈔

黃氏日抄

屏山集鈔

艾軒詩鈔

柳漁詩鈔

雄雉齋文鈔

尺牘文鈔

釋史彙編

泊宅編

國寶新編

野獲編

樵書初編

徹賸八編

醒睡編

座右編

登科記

青箱雜記

老學庵筆記

高齋筆記

碧湖雜記

廣異記

異夢記

呂原明雜記

駒陰冗記

閩畫記

香祖筆記

板橋雜記

古杭雜記

石田雜記

潛邱劄記

榕槎蠡記

仁恕堂筆記

芥隱筆記

姑蘇筆記

建炎復辟記

朱字綠鋤經堂記

金鑿密記

歲時雜記

郁齋書畫題跋記

堯山堂外紀

西堂慟哭記注

游宦記聞

困學紀聞

中吳紀聞

春渚記聞

唐詩紀事

宋詩紀事

燕保和殿記畧

東都事畧

西坡文畧

帝京景物畧

鄧牧謝臯羽傳畧

貴耳集

石林集

青鎖集

聲畫集

堅瓠集

梧溪集

林文安公集

鼇峰集

陳布衣集後

王懋復三幻集

楊升庵集

少谷集

梅花草堂集

紅雨樓集

徐興公集

和敬堂集



澹寧堂集

梅耦長集

集

朱子大全集

李忠定梁溪集

陳復齋集

劉後邨集

丹陽集

曝書亭集

中州集

尺牘藏弈集

姜西銘集

事文類聚續集

宋人小集

道山亭集

冰雪集

六一居士集

吟景集

鳴盛集

藥城集

元詩三集

元詩選

元詩選跋

東都事畧跋

後邨題跋

晦庵題跋

益公題跋

閩部疏

明詩綜

詩談

詩藪

詩史

李義山詩箋

李詩箋註

南宋雜事詩註

敬業堂詩註

施註蘇詩

詩辨坻

詩說雋永

南宋詩選

艮齋詩註

紀行詩箋

說詩樂趣

詩人玉屑

詞綜發凡

詞譜

詞林

詞統

詞筌

詞綜

遠志齋詞衷

詞苑叢談

夢溪筆談

談苑

翰府名談

郡閣雅談

孫公談圃

談藪

耳談

池北偶談

風雅叢談

鐵園山叢談

委巷叢談

庶齋老學叢談

萍洲可談

豹隱紀談

群談採餘

北夢瑣言

撫言

雅言系述

雅言雜載

藝苑卮言

甲乙剝言

言鯖

石林燕語

韻語陽秋

捫蝨新語

齊東野語

長溪瑣語

玉堂叢語

悅生近語

朱子語類

遡園語商

吮語

容齋隨筆

容齋三筆

容齋四筆

容齋五筆

槁簡贅筆

山房隨筆

少室山房筆叢

筆精

黃氏增訂筆精

筆精續訂

焦氏筆乘

焦氏類林

異林

野客叢書

津逮秘書

東窓書事

武林藹事

白眉故事

門人事述

事文類聚

蠶尾續文

斯文正統

文海披沙

紅雨樓尺牘

露書

塵史

梍史

笑史

硯史

韻史

情史

米芾書史

國史唯疑

七修類稿

劍虹初稿

劍虹續稿

朱繼芳龍尋稿

鈍翁類稿

促勝齋類稿

如齋類稿

硯箋

癸辛雜識

物理小識

日下舊聞

曲洧舊聞

吳氏家譜

萬姓統譜

宣和書譜

宣和畫譜

群芳譜

廣群芳譜

荔枝譜

梅譜

白玉璫傳

威應傳

續高僧傳

梅妃傳

宋詩鈔小傳

金鳳外傳

知稼翁集小傳

洪容齋知稼翁集序

香奩集自序

香奩集無題詩序

詞林人物攷

狀元圖攷

經義攷

文獻通攷

蘭亭續攷

林來齋金石攷

崑山徐氏經解

雲溪友議

嘉話補遺

谷音

槎上老舌

話腴

東觀餘論

艮齋續說

仁宗政要

蔡存徵事實

因樹屋書影

寄園寄所寄

藝苑雌黃

鶴林玉露

墨客揮犀

山家清供

瀛奎律髓

藝圃擷餘

藝林伐山

金罍子



湧幢小品

紫桃軒雜綴

榕陰新檢

吹劍圖

月泉社刻

香泉偶贅

國雅

懸笥瑣探

五燈會元

花草蒙拾

古今通韻

天祿識餘

珍珠船

白鰓髓

遜齋閒覽

九畹古文

省齋自存草

臺海見聞錄

赤嶽筆談

本朝詩鈔小傳

以上抄撮群書共四百三十八種

王閨詩話目錄

第一卷 六朝 唐 五代

郭璞

謝朓

劉琨

江淹

李白

薛令之

繆氏子

顧況

秦系

黃子野

歐陽詹

林藻

林蘊

陳通方

潘存實

邵楚叢

陳彥博

周匡物

林傑

李德裕

唐宣宗

李頎

李商隱

陳黯

薛逢

施肩吾

歐陽澥

王肱

蕭膺

陳畧

張拙

柳逢

黎瓘

柯崇

鄭希顏

周朴

陳陶

吳公

閩王繼鵬

韓偓

徐寅

黃滔

翁承贊

江爲

王延彬

陳瓌

顏仁郁

林無隱

楊龜

陳嵩

江文蔚

虞皐

唐敦仁

劉乙

黃子稜

鍾謨

孟貫

王感化

韋漆

何瓚

黃夷簡

鄭文寶

第二卷 宋

陳致雍

龔穎

劉昌言

楊徽之

李巽

李慶孫

黃宗旦

吳簡言

陳從易

鄭褒

章得象

丁謂

楊億

蔡伯倫

李虛已

蘇紳

唐先野

黃通

謝伯初

王達

元絳

程師孟

蔡襄

陳烈

陳襄

鄭穆

劉彝

徐陟

蘇隨

黃孝先

林垌

張伯玉

陳純

崔唐臣

陳軒

阮逸

曾公亮

柳永

鄭俠

蘇頌

呂惠卿

方愼從

徐九思

楊蟠

柯述

孫升

吳育

吳克

方子容

黃通

徐常

章惇

蔡確

陳睦

吳處厚

鄭叔熊

羅可

薛利和

徐大正

練葆光

廖正一

第三卷 朱

許將

胡璞

周諮

林希

徐邈

張勵

洪翁

葉祖洽

何去非

李景

方惟深

林知

王鯨

徐鐸

曾誠

何邁

陳備

王寘

陳覺民

黃裳

葉常

黃畸翁

鄭強

蔡京

蔡卞

章持

蔡攸

蔡條

陳瓘

黃伯思

楊時

林子山

袁謙

吳武陵

上官仲恭

何達

鄭廣

鄧肅

李綱

胡安國

陳鑒之

翁續

余深

劉給

劉子翬

黃公度

陳修

韓南老

鄭昂

張元幹

梁宗範

游操

鄭厚

鄭樵

陳剛中

李彌遜

王晞韓

詹體

胡宏

胡憲



胡寅

葉廷珪

李安期

朱松

廖剛

袁樞

李三英

朱繼芳

黃徹

林外

曾懷

施達

第四卷 朱

吳激

康與之

陳翔

吳棫

郭肱

陳長方

祖秀實

鄭穀

梁克家

蕭國梁

陳元

曾陟

鄭昌齡

湯莘叟

葉紹翁

蕭德操

徐錫之

趙汝愚

古造

翁點

陳善

陳彥才

王十朋

劉懋

劉琪

徐壽仁

梁龜年

陳知柔

鄭域

林彖

吳錡

林光朝

林亦之

彭止

梁宗範

張汰

朱文公

蔡元定

嚴羽

嚴燦

謝克仁

陳子常

黃銖

李呂

鄭德普

黃巖老

黃利

陳宓

祝穆

黃幹

林希逸

余良弼

馮取洽

翁定

郭周孚

黃子信

第五卷 宋 元

阮元齡

林宋偉

曾從龍

林叔弓

李東

劉褒

馬子嚴

陳謙

劉清夫

真德秀

王邁

洪天錫

潘枋

徐範

廖衡

林洪

敖陶孫

林興宗

劉淮

劉克莊

江銖

陳璣

留元剛

潘用中

劉濟

章才邵

林喬

彭巖肖

朱復之

趙庚夫

戴復古

陳日照

翁邁

魏几

陳垓

鄭案

陳經

李杜

楊珂

留頌

林駒

丘葵

陳公榮

林同

徐經孫

翁卷

文天祥

李瓘

謝翱

鄭思肖

蔣粹翁

倪文一

鄭伯淵

蒲壽晟

陳普

真山民

熊天

劉 濩

洪巖虎

洪希文

方 瀾

翁 某

黃鎮成

楊 載

祖浩然

連文鳳

劉 邊

彭 炳

楊 稷

林 清

陳楠老

陳 旅

盧 琦

宋介夫

王 翰

陳有定

第六卷 明

張以寧

藍 仁

藍 智

夏 泰

瞿 莊

林廷綱

夏太和

莊希俊

黃 麟

鄭文萃

俞應則

王禕

丁顯

張顯宗

林鴻

高棟

王傳

王恭

王褒

鄧定

林枝

黃

周

鍾明德

方明晦

楊榮

趙廸

黃澤

馬鐸

林震

鄭居貞

林真

林謹夫

盛福

林璧

陳週

朱永崇

吳稔

朱坻

田頊

林文

陳眞晟

郭屢

姚銑

王佐

丁暉策

沈源

王申

周瑩

陳焯

徐岳

賴世隆

王勝

岳正

何潛

彭韶

陳音

鄭紀

林瀚

林廷模

林燁

林廷玉

吳鏘

趙瑞

崔昌

林聰

李默

周瑛

鄭湘澗

林俊

鄭昭

黃仲昭

徐貞一

余伯宜

余鉉

傅凱

許天錫

陳琛

張岳

張經

林希元

林景清

第七卷 明

鄭善夫

高濂

傅汝舟

傅汝楫

林春澤

林秀桂

莊維森

鄭述

戴大賓

黃輦

方邦望

蔡景榕

王履吉

林澄

伍晏

李洧

林紀

魏時敏

材登桂

張嘉猷

江騰鯨



康大和

洪朝選

陳震

陳安

陳瓚

林廉

朱汶

江一鯉

陳鷗

王鑛

陳謹

謝杰

鄭憲

王與中

柯維騏

蔡一槐

王佐

黃釰

周石梁

陳昂

陳第

朱梧

陳鳴鶴

鄭堂

劉駟

林萬潮

黃天全

胡江

田一儁

鄭鏜

王繼臯

詹仰庇

謝祖

范鹿

林鳳儀

王世懋

宗臣

林世璧

周如埏

韓夢雲

陳籥

薛欽

江仲魚

何其漁

林春秀

黃鳳翔

李贊

葉向高

鄧原岳

林堯俞

何喬遠

蔡復一

林章

陳勲

第八卷 明

曹學佺

謝肇淛

徐燭

徐燭

孟鑒公

鄭琰

張復亨

林宗大

商家梅

陳价夫

陳薦夫

林子真

林希哲

吳仲聲

陳言

陳仲溱

郭天中

陳衍

陳遜

康彥登

張松茂

林少白

崔世召

宋珏

林尙炅

丁起濬

戴燝

張于壘

謝兆申

林士造

何璧

黃景昉

黃文煥

蔡道憲

莊際昌

張利民

林汝元

陳香初

陳竹逸

鄭蘭子

懷林

黃虞龍

曾異撰

黃道周

陳鴻

胡上琛

徐尚卿

丁之賢

朱國漢

陳侍御

趙教諭

薛太守

陳御史

王叅政

第九卷 國朝

周亮工

崔從

何其偉

黎士弘

林古度

余懷

徐延壽

許友

黃元啓

徐謙

陳一策

劉芳蔭

黃錫衮

處菴黃公

高兆

黃虞稷

丁煒

鄭燭新

李贊元

吳第

林麟煊

莊振徽

魏憲

周嬰

諸國樞

李光地

李光坡

彭鵬

毛鳴岐

傅從龍

施世綸

張遠

劉坊

林估

余甸

許均

謝道承

吳文煥

周紹龍

黃任

郭雍

陳純

范咸

陳繩

藍鼎元

薛士玉

張湄

陳昂

周某

族子三才

石幢先生

第十卷 無名氏 宮闈

官家子弟

滑稽子

無名子

閩士

閩清野人

莎衣丐者

玉山道者

梅妃

太原王氏

陳金鳳

謝希孟

陳述古女

申屠氏

孫道綸

韓玉父

李松妻

暨氏女

古田妓

建寧妓

小玉帶

賈蓬萊

徐嗣元女

徐彩鸞

張紅橋

朱氏

陳若瑛

楊玉英

潘英奴

楚雲

李氏

鄧氏

林氏

徐氏

黃氏

潘仲微室

王虞鳳

吳慧鏡

陳氏

鄧鈴

林姪

林玉衡

周玉蕭

鄒氏

邵飛飛

延平女子

黃淑窈

黃淑畹

黃太恭人

第十一卷

羽士

緇流

張湛

徐登

許磻

吳崇岳

李陶真

邱公

王文卿

裴道人

白玉蟾

陳應頭

馮觀國

張道人

王與敬

彭日隆

俞震齋

活欽道人

卓晚春

癡願子

天柱峰樵者

東觀道士

榮和尚

靈雲禪師

僧存義

僧師貴

僧如體

僧神祿

僧師郁

僧懷濬

僧契盈

僧法輝

僧惠崇

僧文兆

僧可仕

僧明多

僧懷璉

僧可遵

仁王寺僧

僧圓悟

僧天石

僧倚遲

僧德豐

僧文謙



僧祖庭

僧正淳

僧笑堂

僧大圭

僧源潭

僧天邦

僧明秀

僧道盛

第十二卷

神仙

鬼怪

雜綴

武夷君

莊君平

徐仙

西乾廟神

九龍道士

青衣童

回仙

惠應廟神

九鯉湖仙

箕仙

林玠

吳師禹

梁公

永福溪鬼

董槐

華七娘

石真妃

紫姑

某寺僧母

劉妙清

洪聖保

夢中宮女

董芸香

王秋英

莆田女鬼

荔支神

鵲怪

妖鼠

仙壇識

上藍識

涅槃識

留從効識

鷺門磚識

三山諺

清流諺

液雨諺

山海諺

橘黃諺

陸建州諺

閩王謠

溪菜謠

蘿蔔精謠

團社謠

築城謠

開田謠

提學謠

南平民頌

刻石頌

石壁篆文

永福石篆

于山石字

縣治石銘

熊博古塚銘

沈彬壙銘

韓熙載妻墓銘

晉浦坊

高蓋山

南浦

逃奴頰

分水驛

沙溪

臨江軍驛舍

上元張燈

建灘

閩中寺

銀篋

鳳硃硯

天冠十佛

石船

漁櫓

荔枝

柚

壑源茶

芽茶槍旗

進茶

協韻

紅酒

酒帘

清流船

鐵佛殿石槽

通應子魚

光餅

全閩詩話卷一 六朝 唐 五代

晉安鄭方坤編

郭璞

福州郡城自無諸開建以都冶曰冶城在今府治東北  
依山置壘據將軍山甌冶池稱形勝矣晉太康三年既  
詔置郡命嚴高治故城高謂故城隘不足以廣聚將移  
白田渡嫌非南向圖以洛郭璞璞指其小山阜曰是宜  
城城成璞爲記曰桑田爲海人事更改六旬甲子當曰  
其害更著重衣周廻重載鄭國歸朝重關爲待鳥出十  
空千載不昧前有雙眉重施粉黛溪澗水來盡歸於海  
主揖其客客住主在稽首東日高山鎮寨本自添金因

成右兌但見蛇影莫如坐亥事過方知知而未會龍山  
高山光照其代巧婦能裁得令人愛若解修心得其終  
俗市籠放火聚集磊磊有一老翁手把竹籥重添新宰  
在言不在銘曰太康之載遷挿甌基四色牢城層巒三  
徑洪許南流瑞龍地應其王螺女現對花峰千載不雜  
世代興隆諸邦萬古繁盛仁風其城形狀如鸞似鳳勢  
氣盤擎遇兵不饑遇荒不掠遇災不染其甲子滿廢而

復興

閩書

閩郡邑誌書中多載郭璞譏武彝志載九曲溪頭有晉  
郭璞題譏曰黃岡降勢走飛龍鬱鬱蒼蒼氣象雄兩水  
護經歸洞府諸峰羅立拱辰宮林中猛虎橫安跡天外

後貌對面崇玉佩霞衣千萬衆萬年仙境似空同璞時  
詩體便有七律便有晉安惡濫派之七律真可驚一喙  
諸誌中如此類者甚多編者皆存而不刪不解其故樹  
屋書  
影

### 謝朓

謝朓酬王晉安詩南中榮橘柚寧知鴻鴈飛後人不解  
此句之妙晉安卽閩泉州也南中榮橘柚卽諺云樹蠶  
不落葉也寧知鴻鴈飛卽諺云鴈飛不到處也樹不凋  
鴈不到本是瘴鄉乃以美言之此是隱句之妙丹鉛錄

### 到溉

梁到溉爲建安太守任昉與之友以詩贈之求二衫段

云鐵錢兩當一百代易名實爲惠當及時無待涼秋日  
溉客云予衣本百結閩中徒八蠶假令金如粟詎使廉  
夫貪任與到夙相賞好漫有此乞到不答之以物而答  
之以詩其風致足尚也按溉以清白自修性又率儉不  
好聲色虛室單牀旁無姬侍冠履十年一易朝服或至  
穿補百結之云諒非欺友昉之死而其子便流離不振  
亦非人可得而衣食者

金罍子

杜暮秋遣興虛名但蒙寒暄問泛愛不救溝壑辱意諸  
侯數賜金耳到溉爲建安任昉詩求衫段爲惠當及時  
無待涼秋日溉亦答以詩予衣本百結閩中徒八蠶何  
嘗分惠今悠悠者浪以解衣推食誑人耶

茗樣  
壺說

江淹

江淹有遊黃蘗山一首蓋江曾爲浦城令遊福清之黃蘗山也湖州杼山西南五里亦有黃蘗山顏魯公作妙喜寺碑銘以爲江淹賦詩之所似未詳審詩中語也江詩云長望竟何極閩雲連城邊已顯言一閩字矣又云南州饒竒怪赤縣多靈仙金峰各虧日銅石共臨天是山有十二峰最高也又云陽岫照鸞采陰崖噴龍泉是山有龍潭九處也又云殘机千代木翠靨萬古烟禽鳴丹壁上猿哺青崖間是山至今古木陰翳若梁代又不知何如其蔽虧也又云況我葵藿志松木橫眼前此正淹爲令尹時望闕而見也若湖州之黃蘗不過山清水



秀而已與此詩全不合矣浦城縣三國吳曰吳興至唐  
始改爲浦城按淹本傳宋建平王景素好士淹隨景素  
日久後黜淹爲建安吳興令卽今之建寧浦城令也魯  
公誤以吳興爲湖州此又是一証因樹屋書影

浦城縣泉山頂有泉二派一入建溪一入處州梁江淹  
渡泉嶠詩岑峯蔽日月左右信艱哉萬壑共馳驚百谷  
爭往來鷹隼旣厲翼蛟魚亦曝鰓崩壁迭枕臥漸石屨  
盤迴伏波未能繫樓船不敢開百年積流水千歲生青  
苔行行詎半景予馬以長懷南方天炎火蒐兮可歸來

閩書

李白

霍童山之香爐峰乃司馬承禎修煉之處而李太白時訪之承禎譚其有仙風道骨可與神遊八極之表白詩云家本紫雲山道風未淪落沉懷丹壑志冲賞歸寂寞揭來遊閩荒捫步涉禹鑿夤緣泛湖海偃蹇陟廬霍

閩書

### 薛令之

薛令之字珍君初居山聞龍吟及第開元中遷右庶子與賀知章並侍肅宗東宮知章自右庶子遷賓客授秘書監而令之以右補闕兼侍讀積歲不遷又官次清淡令之題詩壁間曰明月上團團照見先生盤盤中何所有苜蓿長闌干飯澁匙難縮羹稀筋易寬只可謀朝夕何由度歲寒立宗幸東宮見之素筆題其傍啄木嚙距

長鳳凰毛羽短若嫌松桂寒任逐桑榆暖令之因謝病  
徒步歸立宗聞其貧命有司資其歲賦令之量受而已  
肅宗立以舊恩召而令之已卒因敕其鄉曰廉村水曰  
廉溪著明月先生集

閩書

唐薛令之居靈谷草堂在福安縣山中嘗聞龍吟之聲  
後登神龍二年進士開元中累補左補闕太子侍講郎

題朝日上團團之詩也

各勝志

開元中東宮官僚清澹薛令之爲左庶子以詩自悼曰  
朝日上團團照見先生盤盤中何所有苜蓿長闌干  
飡澁匙難滑羹稀筍易寬以此謾朝夕何由保歲寒  
上幸東宮因題其旁云若嫌松桂寒任逐桑榆暖令之慙

謝病歸每誦此未知爲何物偶同宋雪嵩伯仁訪鄭璽  
鑄兒所種者因得此種葉綠紫色而尖長或丈餘採用  
湯焯油炒薑鹽如意羹茹皆可風味本不惡令之何爲  
厭苦如此東宮官寮當極一時之選而唐世諸賢見於  
篇什皆爲左遷令之寄興恐不在此上人乃諷以去薄

矣

俚史  
彙編

苜蓿一名光風生蜀賓國爾雅翼似灰翟今謂之鶴頂  
貳師伐宛將種歸中國西京雜記樂游苑中自生玫瑰  
樹樹下多苜蓿一名懷風時或謂之光風茂陵人謂之  
連枝草長安中有苜蓿園北人極重此味旣老則以飼  
馬唐廣文嘆有盤中何所有苜蓿長闌干闌干橫斜貌

言既老而食之不已爲可嘆也漢貴武則以飼馬唐賤  
女則以養士一物足以觀世矣

堅匏集

太姥山距州東百里而遙高十餘里周遭四十里力牧  
錄云黃帝時容成先生嘗栖之王烈蟠桃記堯時有老  
母家路旁藍練爲業性喜給施有道士就母求漿母飲  
以醪道士奇之授以九轉丹砂之法服之七月七日乘  
九色龍馬仙去因相傳呼爲太母山漢武帝命東方朔  
勅天下名山文乃改母爲姥唐邑人薛令之詩揚靈窮  
海島選勝訪神山鬼斧巧開鑿仙蹤常在還東甌冥漠  
外南越洲茫間爲問容成子刀圭乞駐顏

闕書

繆氏子

福安繆家哺山唐時有繆氏子七歲能文開元間以神童召試賦新月詩初出如弓未上弦分明掛在碧雲邊時人莫道蛾眉小十五團圓照滿天有竊掘其山者流出淡血其人遂不顯今又呼爲蛾眉山

閩書

### 顧况

閩人調子爲閩調父爲郎罷故顧况有哀閩一篇曰閩生閩方閩吏得之乃絕其陽爲臧爲獲致金滿屋爲髡爲鉗如視草木天道無知我懼其毒神道無知彼受其福郎罷別同吾悔生汝及汝旣生人勸不舉不從人言果獲是苦閩別郎罷心摧血下隔地絕天及至黃泉不爲在郎罷前蓋唐世多取閩童爲閹奴以進之故况陳

其苦以諷焉

青箱雜記

予官閩中見其風俗呼父爲郎罷呼子爲囡顧況有詩云郎罷別囡囡別郎罷及至黃泉不得在郎罷前乃知顧況本用此方言也山谷送秦少章往餘杭從蘇公詩斑衣兒啼真自樂從師學道也不惡但使新年勝故年卽如常在郎罷前唐子西詩兒餒嗔郎罷皆用况語也

漁隱叢話

秦系

秦系字韋蘇州詩云久臥雲間已息機青袍忽著狎鷗飛詩興到來無一事郡中今有謝元暉系字公緒會稽人隱泉州南安九日山張建封聞系不可致就加校書

郎自號東海釣客與劉長卿善權德輿曰長卿自以爲  
五言長城系用偏師攻之矣韋答系云知掩山扉三十  
秋魚鬚翠碧滿床頭莫道謝公方在郡五言今日爲君  
休蓋以五言得名久矣年八十餘歲卒南安人號其峯  
爲高士峯

全唐詩話

韋蘇州集載秦系詩自署東海釣客試秘書省校書郎  
而詩有久臥雲間已息機青袍忽著狎鷗飛之句蓋系  
嘗隱泉州九日山故有東海之號青袍忽著自謂其新  
授校書郎爾故韋和詩云知掩山扉二十秋魚須翠碧  
弄床頭正答其意也或者乃謂青袍翠碧皆爲韋發旣  
失詩意又謂唐刺史不借服色則又誤矣牛叢對宣宗



云臣今服緋是刺史所借而白樂天忠州被召詩言之  
極詳何致之不審耶

朱子大全集

### 黃子野

黃子野字仲唐時候官人也父周行賈於杭州子野年  
十三從於杭州其父偶適他郡以子野守舍適王伾微  
時覆舟於羅剎江子野行見之奮臂大呼曰能生得人  
者予百金於是漁者得伾子野卽與以舍中裝直百金  
其父歸大異之子野曰身得其名乃令父喪羸非孝也  
遂去爲人僕賃主人微聞救伾事義其爲人陰倍其償  
乃爲小賈小賈之息所得常愈於父久之旣致富藏以  
其半爲親甘毳費以其半振貧友昆弟乃折節讀書治

左氏春秋亡何客有勸之仕者子野不答因自悔見知於人遂變名姓焚毫素耕於方山其後王伾爲散騎常侍使人召之則亡去令福州觀察處置使以物色訪之得之於陽岐江上有一男子扁舟披簑獨臥雪中忽扣舷曰早潮初上海門開漠漠彤雲雪作堆一百六條都掩盡不知何處有僧來又歌曰幾日江頭醉不醒滿天風雪臥滄溟定知酒伴無尋處門外松濤坐獨聽使者疑其子野遙呼之曰仲無恙乎子野曰唯唯於是遂達伾之命隨子野至深山中家徒壁立几上獨周易一卷子野佯喜悅與之約曰旦日雪霽會于傳舍旦日傳舍長展車待客夕時子野不至使者馳至其家則書幣封

謫如古之野已遁去矣

理史彙編

### 歐陽詹

德宗貞元八年是歲壬申兵部侍郎陸贄知貢舉所取  
二十二人賈稜爲首歐陽詹第三人是榜其後爲宰相  
者三人王涯李絳崔羣賦題明水詩題御溝新柳

登科記

歐陽詹字行周泉州晉江人弱冠能屬文天縱浩汗貞  
元年登進士第舉關試薄游太原於樂籍中因有所悅  
情甚相得及歸乃與之盟曰至都當相迎耳卽灑泣而  
別仍贈之詩曰驅馬漸覺遠迴頭長路塵高城已不見  
况復城中人去意既未甘居情諒多辛王原東北晉一  
里西南秦一屨不出門一車無停輪流萍與繫鉤早晚

期相親尋除國子四門助教住京籍中者思之不已經  
年得疾且甚乃危粧引髻刃而匣之顧謂女弟曰吾其  
死矣苟歐易生使至可以足爲信又遺之詩曰自從別  
後減容光半是思郎半恨郎欲識舊時雲髻樣爲奴開  
取縷金箱絕筆而逝及詹使至女弟如言徑持歸京具  
白其事詹啓函閱之又見其詩一慟而卒故孟簡賦詩  
哭之序曰聞之英惟歐陽生以能文擢第爰始一命食  
太學之祿助成均之教有庸績矣我唐貞元年己卯歲  
獻書相府論大事風韻清雅詞旨切直會東方軍興府  
縣未暇慰薦久之倦遊太原還來帝京卒官靈臺悲夫  
生於單貧以徇名故心專勤儉不識聲色及茲筮仕未

知洞房纖腰之爲蠱惑初抵太原居大將軍宴席上有  
妓北方之尤者屢盼於生生感悅之留賞累月以爲燕  
婉之樂盡在是矣旣而南轅妓請同行生曰十目所視  
不可不畏辭焉請待至都而來迎許之乃去生竟以蹇  
連不克如約過期命甲遣乘密往迎妓妓因積望成疾  
不可爲也先天之夕剪其雲髻謂侍兒曰所歡應訪我  
當以髻爲規甲至得之以乘空歸授髻於生生爲之慟  
怨涕洟而生亦歿則韓退之作何蕃書所謂歐陽詹生  
者也河南穆玄道訪予嘗嘆息其事嗚呼鐘愛於男女  
素共效死夫亦不敵也大凡以斷割不爲麗色所汨豈  
若是乎古樂府詩有華山畿玉臺新詠有廬江小吏更

相死或類於此暇日偶作詩以繼之云有客非北逐馳  
馬次太原太原有佳人神艷照行雲座上轉橫波流光  
注夫君夫君意蕩漾卽日相交歡定情非一詞結念誓  
青山生死不變易中誠無間言此爲太學徒彼屬北府  
官中夜欲相從嚴城限軍門白日欲同居君畏仁人聞  
忽如隴頭水坐作東西分驚離腸千結滴汨眼雙昏本  
達京師迴駕期相追攀宿約始乖阻彼憂已纏綿高髻  
若黃鸝危髻如玉蟬纖手自整理剪刀斷其根柔情託  
侍兒爲我遺所歡所歡使者來侍兒因復前收淚取遺  
寄深誠祈爲傳封來贈君子願言慰窮泉使者迴復命  
遲遲蓄悲酸詹生喜言施倒屣走迎門長跪聽未畢驚

傷涕漣漣不飲亦不食哀心百千端襟情一夕空精爽  
旦日殘哀哉浩然氣潰散歸化元短生雖別離長夜無  
阻難雙魂終會合兩劍遂蜿蜒丈夫早通晚巧笑安能  
干防身本苦節一去何由還後生莫沉迷沉迷喪其真

閩川名士傳

夔州營妓爲喻廸孺扣銅盤歌劉尚書竹枝詞九解尚  
有當時含思宛轉之艷他妓者皆不能也廸孺云歐陽  
詹爲并州妓賦高城已不見況乃城中人詩今其家尚  
爲妓詹詩本亦尚在妓家夔州其先必事劉尚書者故  
獨能傳當時之聲也

聞見後錄

翠嶺路通衢

之江山厥土宜梨宋楊億談苑云天下水

百東獨梨嶺水北流入廣信唐歐陽詹詩南北風烟卽  
六方連峯危棧倚蒼蒼哀猿咽木傍高處誰不沾衣望  
荷鄉

問書

福平山唐林蘊先世居此歐陽詹自泉詣莆與蘊兄弟  
頃書築靈巖精廬亦於此作別墅焉詹客蜀門寄蘊詩  
步如延壽川原似福平自註延壽蘊別墅福平余別  
墅也

問書

歐陽詹玩月詩序云月可玩玩月古也謝賦鮑詩眺之  
庭前亮之樓中皆玩月也貞元十二年甌閩君子陳可  
封游在秦寓於永崇里華陽觀予與鄉人安陽邵楚襄  
濟南林蘊潁川陳詡亦旅長安秋八月十五夜詣陳之



修厥玩事月之爲玩冬則繁霜太寒夏則蒸雲太熱  
蔽月霜侵人蔽與侵俱害乎玩秋之於時後夏先冬  
月於秋季始孟孟終十五於夜又月之中稽於天道  
寒暑均取於月數則蟾兔圓况埃壒不流太空悠悠  
娟徘徊桂華上浮升東林入西林肌骨與之疎涼神  
與之清冷四君子悅而相謂曰斯古人所以爲玩也  
既得古人所玩之意宜襲古人所玩之作翫月詩云八  
月十五夕舊嘉蟾兔光斯從古人好共下今宵堂素魄  
皓孤凝芳輝紛四揚徘徊林上頭泛灩天中央皓露助  
流輝輕風佐浮涼清冷到肌骨潔白盈衣裳惜此苦宜  
翫翫之非可將含情顧廣庭願勿沉西方

高蓋山方平如蓋名山也以其有歐陽詹詩亦名詩山  
其下有村曰詩村舊傳詹赴舉時母歿里人爲葬是山  
旣歸作詩哀母曰高蓋山前日影微黃昏宿鳥傍林飛  
墳前滴酒空垂淚不見丁寧道早歸明一統志亦載是  
詩今按韓文公歐陽生哀辭則於歿時父母具存攷之  
永福縣志陳嵩詩也永福縣亦有高蓋山然郡人言詹  
子價故居鄰詩山之下或價詩歟

閩書

陽詹有詩行於世聞猿云啼猿非有恨行客曰多悲  
笛云不知吹者意何似聽人心臥屏云橫琴遮遠洞  
寺出高峰公宇蘆云漁家合得雨三莖公退徐吟思  
清官滿不將歸舊隱蕭蕭留與後人聽

雅言  
雜載

在白門時編刻歐陽詹集自謂無遺矣偶閱全蜀藝  
志詹有新都行云縹緲空中絲蒙龍道傍樹翻茲葉  
間吹惹彼花上露悠揚絲意去萼翳花枝注何計脫纏  
綿天長春日暮原本所遺尚俟續補

筆精

### 林藻

德宗貞元七年是歲辛未刑部侍郎杜黃裳知貢舉所  
取二十人尹樞爲首林藻第十人是榜其後爲宰相者  
四人令狐楚竇楚皇甫鑄蕭俛賦題珠還合浦詩題青

云干呂

登科記

過青雲干呂詩曰應節偏干呂亭亭在紫氛綴霄初  
影搖日已成文結蓋祥光迴爲樓翠色分還同起封

上更似出橫汾作瑞來蕃國成形表聖君徘徊如有託

誰道比閒雲

唐人試帖

泗洲嶺舊名折桂唐林藻與弟蘊登第過此題詩有而今折得兩枝桂又向山頭聯步歸之語後有僧自泗上人關度嶺見水車碓席嘆息機巧人擬泗洲和尚遂易是名

闕書

林蘊

林蘊仕不稱意縱酒自適多忤時政白居易以詩戒之曰世上如今重檢身吾儕恃酒似狂人西曹舊日多持論慎莫吐他丞相茵

閩川名士傳

陳通方

陳通方登貞元進士第與王播同年播年五十六通方  
甚少因期集撫播背曰王老奉贈一第言其日暮途遠  
及第同贈官也播恨之後通方丁家艱辛苦萬狀播捷  
三科爲工部判鹽鐵通方窮悴求助不甚給之時李虛  
中爲副使通方以詩求爲汲引云應念路傍憔悴翼昔  
年喬水幸同遷播不得已薦爲江西院官

唐詩  
雜事

### 潘存實

潘存實字鎮之漳浦人初應舉以晨光麗仙掌賦及雙  
陸子賦得名元和十三年庾承宣侍郎下試禮耕情田  
賦及玉聲如樂詩入格登第初授東宮左庶子累遷戶  
部侍郎浦人登第自存實始始存實有用世志覽郭璞

閩城記曰南臺沙合公輔卽出自是凡遇自閩來者輒  
問南臺江可揭衣未也有恤嘗春申平原信陵四公子  
贊載唐文粹其詞曰四人爲身萬二千人爲耳目四人  
爲梁萬二千人爲懷袖有危可平有死可生豈彼威憑  
實惟義爭嗟乎人之家或財不自與心不自是妻不睦  
夫父不慈子而况乎萬二千士乎哉恨不覩此 閩書  
黃滔壺公山詩作賦前儒闕冲虛南國先省郎求牧看  
野老葺齋眠自注潘郎中存實詩云雙旌放青原吟看  
壺公翠又歐陽稚先輩與刺史蘇君書求泉山之圖爲  
畫屏云壺公之高洛陽之深夢寐所思 全唐詩話

邵楚萇

邵楚萇字待倫閩縣人貞元十五年試信及豚魚詩行  
不由徑詩登第爲校書郎時馬侍中燧有水香亭侈麗  
楚萇作馬侍中亭子歌述之春水遲遲古香閣窈窕佳  
人褰繡幕淋漓玉露滴紫蕤綿蠻黃鳥窺朱萼橫漢碧  
雲歌處斷蒲地花鈿舞時落樹影參差斜入簷風舞淋  
漓水晶箔馬以爲媿遂毀其亭由是詩名益振

閩書

### 陳彥博

陳彥博閩縣人元和四年與謝楚同爲廣文生夢至一  
官司几案有尺牘如金字者謂明年進士榜見其名在  
三十二上二人皆李姓而無楚名明年果如所夢二李  
卽願行仍叔也又明年楚于尹躬下擢第先是李師道

請贖魏徵宅學士白居易言事關激勸合出朝廷師道  
何人敢掠其美憲宗然之其後有司以爲試題彥博詩  
云阿衡隨逝水池館主他人天意能酬德雲孫喜庇身  
生前由直道沒後振芳塵雨露承恩日芝蘭故里春勛  
庸流弈世光彩映諸鄰共喜昇平代從茲得諫臣

風雅  
叢談

### 周匡物

周匡物字幾本漳州人唐元和十二年王播榜進士及  
第時以歌詩著名初周以家貧徒步應舉落魄風塵懷  
刺不偶路經錢塘江乏餽船之資久不得濟乃於公館  
題詩云萬里茫茫天塹遥秦皇底事不安橋錢塘江口  
無錢過又阻西陵兩信潮郡牧出見之乃罪津吏至今



天下津渡尚傳此詩諷誦舟子不敢取舉選人錢自此

始

闕川名  
士傳

周匡物題古鏡歌有欲向高臺對曉開不知誰是孤光  
主時宰王播見而異之元和十一年播知貢舉匡物進  
士及第爲漳人登進士之始

閩省  
通志

名第山本名天城山唐周匡物讀書此山登第後勅賜  
名第以漳人及第自匡物始也又匡物登第一時同擢  
者三十三人有贈之詩云元和天子丙申年三十三人  
同得僊今漳南五里有名第院記匡物而山又有得僊  
亭蓋取贈詩語劉禹錫詩有危亭誰結據山椒名第山  
人不可招之句匡物自題云窓外捲簾侵碧落檻前

竹響清真 開書

匡物及第後謝座主云一從東越入西秦十度

見春試向崑山投瓦礫便客靈沼洗埃塵悲歡暗負風  
雲力感激潛生土木身中夜自將形影語古來吞炭是

何人

唐詩  
紀事

林傑

林傑字智周幼而分異言則成文年六歲請舉童子時  
父肅爲閩府大掾性樂善尤好聚書又妙於手談當時  
名公多與之交及有是子益大其門廉使崔侍郎子亟  
與遷職鄉人榮之傑五歲父携行至王仙君霸壇戲問  
童子能詩乎傑口占云羽客已登雲路去丹爐草木盡

凋殘不知千載歸何日空使時人掃舊壇父初不謂眇  
蒧之作遽臻於此尋視益驚異遞相傳諷自此口課所  
爲未幾盈軸明年遂繼唐中丞唐旣伸幅窺吟聳爾駭  
嘆命子弟延入學院時會七夕賦乞巧詩傑援筆曰七  
夕今霄看碧霄牛郎織女渡河橋家家乞巧望秋月穿  
盡紅絲幾百條唐嘆曰真神童耳傑又精於琴棋草隸  
俱有天然不煩師授唐因與賓從棊或全局輸者令置  
之勿觸取童子來繼終其事傑必指縱出奇往往反勝  
曲盡其妙時謂神助後復業詞賦頗振聲問有仙客入  
壺中賦云仙客以變化隨形逍遙放情處於外則一壺  
斯在入其中則萬象俱呈飛閣重樓不是人間之狀奇

花異木無非物外之名至九歲謁盧大夫身黎常侍直  
無不嘉獎尋就賓廡日在筵宴李侍御遠趙支使格深  
所知仰不捨斯須和趙支使詠荔支詩云金盤摘下排  
朱顙紅殼開時飲玉漿鄭副使立作奇童傳劉制置潼  
爲序以貽之至年十七方結束琴書將西邁而殂唐詩紀事  
林傑五歲與父同遊王仙君壇父曰能詩乎傑曰羽客  
已登雲路去丹砂草木盡凋殘不知千歲歸何日空使  
時人掃舊壇又同唐中丞作七夕詩曰七夕今朝看碧  
霄牽牛織女渡河橋家家乞巧望秋月穿盡紅絲幾萬  
條唐公曰真神童也年十歲方秋初忽有雙鶴盤空而  
下欣然下階抱得一隻父恐非常令放之鶴升而去是

夕得疾而卒鄭立以詩哭之曰方高未及賈生年何事  
孤魂逐逝川螢聚帳中人已去鶴離臺上月空圓

古今詩話

### 李德裕

盤陀嶺梁山嶺也叢薄崎峻盤桓可十里入潮廣道也  
嶺有巡檢司在焉漢南越曰蒲葵關唐大中十二載嶺  
南節度使楊發詩南盡封陲兒好山蒼蒼松桂類商顏  
誰憐後夜思鄉處白草黃茅舊漢關按唐李衛公德裕  
貶嶺南次漳浦驛詩嵩少心期杳莫攀好山聊復一開  
顏明朝便是南荒路更上層樓望故關發移鎮南海道  
出漳浦寓止驛樓聞衛公舊題尋訪不得翌日得本於  
士人爰飭驛吏而屬其詩發詩益次李韵也

閩書

唐宣宗

夕陽山在同安城南六十里上有遁跡巖真寂寺唐宣宗居邸時遁跡此巖三載後還京卽位勅賜真寂禪寺云宣宗與黃蘗斷際和尚山中觀瀑聯句蘗先詠云穿巖越壑不辭勞到底方知出處高宣宗續云溪澗豈能留得住終歸大海作波濤又詩惟愛禪林秋月空誰能歸去宿龍宮夜深聞法殫甘露喜在蓮花世界中按唐宣宗長慶中封光王唐書第稱韜晦未嘗遁跡而唐尉遲偓作中朝故事載宣宗憲皇少子也皇昆卽穆宗也穆宗敬宗之後文宗武宗相次卽位宣皇皆叔父也武宗初登極深忌焉一日會鞠於禁苑間武宗召上遙都

瞬目於中官仇士良躍馬向前曰適有旨王可下馬上  
良命中官輿出軍中奏曰落馬已不救矣尋請爲僧行  
游江表間會昌末中人請還京遂卽位則其事固有據  
者

闕書

### 李頻

唐詩人李頻字德新名列唐書文藝傳才調集所載中  
流欲暮見湘烟一篇其作也懿宗時爲建州刺史卒見  
神梨嶽郡人祠祀之宋紹興中封靈顯忠惠公後加靈  
佑善應王再加廣濟王又加福佑威濟信順王明洪武  
初改建州刺史之神載在祀典宋真文忠公序其詩今  
所傳梨嶽集是也詩人歿而爲神未有如頻之昭昭者

池北  
偶談

東溪在府城東南政和門外發源處州松源會松溪政  
和之水而下至城東南遶而西合甌寧西溪之水爲一  
大溪南注延平抵福州入於海唐李頻東溪泛舟詩登  
岸還入舟水禽驚笑語晚葉低衆色溫雲帶殘暑落日  
乘醉歸溪流復幾許

閩書

梨山上有廟唐李頻刺州時雅好此山公暇時往遊頻  
卒官父老相率葬之縣之永洛洲旣卽此山立廟宋時  
雨暘應禱累封靈祐福應威濟信順王元初於學宮作  
澤民分靈祠祀之揭佑民作祠樂歌山爲鉤曲藏神宮  
拂天雲旗揭靈風云何王陽招之東乘彼赤羆駕文熊



飄然遨遊顧環廊帝裔隊伍王儀容手挾隋矢並和弓  
下庭考鼓兼鳴鐘銅梨白雉血在中淋漓酒肴薦和醴  
引接我士俱登庸上天翩翩策飛龍

閩書

唐李頻四皓廟云東西南北人高跡自相親天下已歸  
漢山中猶避秦龍樓曾作客鶴擎不稱臣獨有千年後  
青青廟木春頻詩寫出四皓心事而頻心事亦自可見  
後爲建州刺史卒於官民懷其德立廟梨岳至今血食  
不絕可謂千年廟木春矣

筆精

李商隱

義山武夷山詩只得流霞酒一杯空中簫鼓幾時回武  
夷洞口生毛竹老盡曾孫更不來按武夷山在今福建

建寧府崇安縣唐地里志爲江南東道山屬建州建陽縣嘗見武夷山志題詠之詩以義山爲始考義山平生踪跡未至建川不知何爲而有是作蓋亦借山詠事也武夷之山不著上古至漢武帝始列祀典史記封禪書所謂以乾魚祀武夷君是也漢武蓋好仙者豈詩爲武宗建九天道場築望仙臺觀而發耶空中簫鼓一去不回老盡曾孫無緣重見仙之不足信也明矣與穆王何事不重來略同若作頌武夷山恐失詩意

李詩箋注

龍邱途中詩云漢苑殘花別吳江盛夏來惟看萬樹谷不見一枝開水色饒湘浦灘聲怯建溪潑流迴月上可得更猿啼按龍邱秦太末縣歷代沿改不一唐貞觀中

復置龍邱縣屬衢州唐書地里志衢州爲江南道蓋古揚州南境本吳地故前首曰吳江盛夏來也龍邱南接建州故次首曰灘聲怯建溪也中卷有武夷山詩武夷山在建州愚竊以爲義山踪跡未至觀此二詩豈義山嘗從衢州而至建州耶本傳未載不可考也

李詩箋注

### 陳黯

虎山西北有嶺曰薛嶺嶺南唐陳黯居焉嶺北唐薛令之自福安徙家於此時號南陳北薛按黯字希儒父贊通經及第娶妻黃甚賢而生黯獨身而已黯十歲能詩十三袖詩通謁清源牧其首篇詠河陽花時面豆新愈牧戲之曰藻才花貌胡不詠歌應聲曰玳瑁應難比斑

犀定不加天嫌未端正滿面與裝花由是聲名大振於  
州里十七作蘇武謁漢武帝陵廟賦便爲作者推伏早  
孤事母至孝無意求仕子蔚旣冠母氏勉之曰付蔚潘  
岳之筵俟爾却說之桂方起鄉薦求試貢闈已過不惑  
之年矣黠恂姿柳態山屹波注語默有程進退可法其  
爲文詞不尚奇而重切理意不偶立而重師古詩篇詞  
賦牋檄皆精尤工官試乃會昌乙丑逮咸通乙酉凡十  
八舉不第所著有綺藏集同郡王肱蕭樞同邑林顥漳  
浦赫連韜福州陳蕆陳發詹雄皆一時秀士黠名價相  
埒而並不遇世嘆其屈

閩書

薛逢

薛老峯山頂突起向陽峯三字周樸詩薛老峯頭三箇  
字須知此與石齊生直教截斷蒼苔色浮世人儻眼始  
明薛老薛逢也咸通中爲候官令與僧靈觀游創亭其  
側人書其峯曰薛老云按逢字陶臣蒲州人會昌進士  
有元日田家詩南村晴雪北村梅樹裏茅簾晚盡開  
櫺出門兒婦去鳥飛迎路女郎來想闕中詩也但唐書  
本傳未見逢令候官爾

闕書

施肩吾

泉郡志云東出海門舟行二口程曰澎湖嶼在巨浸中  
環島三十六如掛甬然昔人多僑寓其上苦茅爲廬推  
年大者爲長不畜妻女耕漁爲業牧牛羊散食山谷間

各勢耳爲記訟者取決於晉江縣城外貿易歲數十艘  
爲泉之外府後屢以倭患墟其地或云抗于縣官故墟  
之今鄉洛屋址尚存唐施肩吾島夷行云腥臊海邊多  
鬼市島夷居處無鄉里黑皮年少學採珠手把生犀照  
鹹水卽其處也今澎湖已設遊兵汛守焉

泉南  
雜志

### 歐陽解

章正字孝標下第時爲燕歸詩留獻庾侍郎承宣小宗  
伯得詩展轉吟諷誠恨遺才乃候秋期必當引薦庾果  
重秉禮曹孝標來年擢第羣議以爲二十八字而致大  
科則名路可遵通相礪礪也其詩曰舊壘危巢泥已落  
今年故園前歸連雲大厦無棲處更傍誰家門戶飛

後五十年來有閩川歐陽澥者四明詹之孫也澥娶婦  
經旬而辭赴舉抗節不還詩云黃菊離家十四年又云  
離家已是夢松年又云落日望鄉處何人知客情自憐  
十八年之帝鄉未遇知己也亦爲燕詩以獻主司鄭愚  
侍郎其詞雖爲朝貴稱羨尚未第焉其詩曰翩翩雙燕  
畫堂閒送古迎今幾萬回長向春秋社前後爲誰歸去  
爲誰來

雲溪友議

王肱

王肱字用輔晉江人爲文好刺譏當世以是累舉不第  
嘗著濟狀一篇言濁河貫清濟濟詰其浼涸時甚奇之  
又有無題古詩一百三十首詞多悽惋

閩省通志

蕭膺

蕭膺字次元侯官人開成進士是歲閩中登第四人朝士詩云幾人天上爭仙桂一歲閩南折四枝自是號爲文儒之鄉

閩省通志

陳燬

陳燬惠安人唐開成三年進士以詞賦擅名尤工篆隸宣宗嘗善其所製霓裳羽衣曲以爲琬琰之器官終刑部郎中

閩書

張拙

張拙秀才因禪月大師指叅石霜霜問秀才何姓曰姓張名拙霜曰覓巧尚不可得拙自何來張忽有省乃呈



偈曰光明寂照徧河沙凡聖含靈共我家一念不生全體現六根纔動亂雲遮破除煩惱重增病趨向真如亦是邪隨順世緣無罣礙涅槃生死等空花

五澄會元

張拙秀才他無籍貫可攷只據呈石霜一偈附列宗門卽以偈論亦是吾輩見解近時衲子作此言句者多如麻豆拙卽寧人於寧何重乎

初集

柳逢

莆田縣有染家巨富因醉毆兄至高標十木旣歸鄉親爲會有柳逢秀才旅遊掇席王人不樂柳生怒而題壁染人遂與束帛贖其詩詩曰紫綠終朝染因何不識非

莆田竹木貴背負十柴歸

雲溪友議

黎瓘

崔袞咸通間刺漳州有麻衣黎瓘者南海狂士也遊於  
漳袞禮遇之瓘頻於席上喧醕爲押衙王制所惡鄉飲  
之日諸賓悉赴客司獨不召瓘瓘作翻韵詩贈崔使君  
坐中皆大笑崔使馳騎逐之其詩曰慣向溪邊折柳楊  
因循行客到州漳無端偶觸王衙押不得今朝看飲鄉  
按刺史崔袞其押衙王制名俱見開元寺咸通塔中閩省  
志通

柯崇 鄭希顏

天復元年杜德祥榜放曹松王希羽劉象柯崇鄭希顏  
等及第時上新平內難聞放新進士喜甚詔選中有孤

貧之人宜令以名聞特敕授官故德祥以松等塞詔各授校正制畧曰念爾登科之際當予反正之年宜降異恩各膺寵命松舒州人希羽劍州人甲子皆七十餘象京兆人崇希願閩人皆以詩卷及第亦俱年逾耳順時號五老榜 撫言

周朴

朴唐末詩人寓於閩中僧寺假丈室以居不飲酒茹葷塊然獨處諸僧晨齋卯食樸亦携巾盂廁諸僧下畢飯而退率以爲常郡中豪貴設供率施僧錢朴卽巡行拱手各丐一錢有以三數錢與者朴止受其一耳得千錢以備茶藥之費將盡復然僧徒亦未嘗厭也性喜吟詩

尤尚苦澁每遇景物搜奇抉思日旰忘返苟得一聯一句則忻然自快嘗野逢一負薪者忽持之且厲聲曰我得之矣樵夫矍然驚駭掣臂棄薪而走遇巡徼卒疑樵者爲偷兒執而訊之朴徐往告卒曰適見負薪因得句耳卒乃釋之其句云子孫何處閒爲客松栢被人伐作薪彼有一士人以朴僻於詩句欲戲之一日跨驢於路遇朴在傍士人乃歛帽掩頭吟朴詩云禹力不到處河聲流向東朴聞之忽遽隨其後且行士但促驢而去畧不回首行數里追及朴告之曰僕詩河聲流向西何得言流向東士人領之而已閩中傳以爲笑或曰曉來山鳥開雨過杏花稀亦朴詩也

全唐詩話

唐之晚年詩人無復李杜豪放之格然亦務以精意相  
高如周朴者構思尤艱每有所得必極其雕琢故時人  
稱朴詩月鍛季煉未及成篇已播人口其名重當時如  
此而今不復傳矣予少時猶見其集其句有云風暖鳥  
聲碎日高花影重又云曉來山鳥鬧雨過杏花稀誠佳  
句也

六一  
詩話

處士周朴有能詩名於唐末歐陽公嘗稱朴詩風暖鳥  
聲碎日高花影重之句然此杜荀鶴詩非朴句也見唐  
風集公言少時見其集今不復傳又言鄭谷詩號雲臺  
鄉者今亦不行於世然今市肆實有此集二人唐史皆  
不爲立傳獨朴死巢寇不屈其節自見巢傳中余家有

朴詩百餘篇嘗爲之序異日當別加搜訪遺逸爲全集

以傳於世

捫竇新話

晚唐人詩風暖鳥聲碎日高花影重曉來山鳥鬧雨過  
杏花稀元人詩布穀叫殘雨杏花開半村皆佳句也然  
總不如右丞興闌啼鳥緩坐久落花多自然入妙盛唐  
高不可及如此

池北偶談

唐李嘉祐春思詩清明桑葉少穀雨杏花稀乃悟周朴  
詩曉來山鳥鬧雨過杏花稀

能改齋漫錄

周朴詩古陵寒雨絕高鳥夕陽明高情千里外長嘯一

聲初右張爲取作主客圖

唐詩紀事

閩縣薛老峰山頂突起向陽峯三字周朴詩薛老峯頭

三箇字須知此與石齊生直教截斷蒼苔色浮世人才  
始眼明薛老薛逢也咸通中爲候官令與僧靈觀遊創  
庭其側人書其峯曰薛老云僞閩癸卯歲一夕風雨聞  
山上如數千人喧噪旦則三字倒立其年閩亡云焦書初編  
周朴嘗詠蝶云可憐黃雀啣將去從此莊周夢不成至  
是爲黃巢所殺人以爲詩讖後人于鄰霄臺祀之張浚  
帥閩奏請廟額曰剛顯閩大紀

陳陶

陶劍浦人居南昌之西山宋齊邱守南昌因有蒲安之  
觀乃自詠云中原莫道無麟鳳自是皇家結網疎與水  
曹任晚郎中友善寄晚詩云好向明時薦遺逸莫教千

里又靈均江南後主卽位知其運祚衰替以修養爲事  
故詩云乾坤見了文章懶龍虎成來印綬疎嚴尚書字  
鎮豫章遣小妓蓮花者往西山侍陶陶殊不顧妓爲詩  
曰蓮花爲號玉爲腮珍重尚書遣妾來處士不生巫峽  
夢虛勞神女下陽臺陶答之曰近來詩思清如月老大  
心情薄似雲已向昇天得門戶錦衾深媿卓文君唐詩紀事  
處士陳陶者有逸才歌詩中似負神仙之術或露王霸  
之說雖文章之士亦未足憑而以詩見志乃宣父之遺  
訓也其詩句云江湖水深淺不足掉鯨尾又云飲水狼  
子瘦思日鷓鴣寒又云中原不是無麟鳳自是皇家結  
網疎又云一鼎雄雌金液火十年寒暑鹿麕衣寄與東



流任斑鬢向隅終守鐵梭飛諸如此例不可殫記著癖

書十卷聞其名而未嘗見之

北夢瑣言

陶唐末自稱布衣開寶中人或見之或云已得仙矣蟬聲將月短草色與秋長比屋歌黃竹何人撼白榆右張

爲取作主客圖

唐詩紀事

西山產靈藥陶與妻日劖而餌之而二子小字粗梨或問其優劣答曰味雖不同皆可於口陶有詩云礪溪老

叟無人問閒列粗梨教六齋益指二子也

十國春秋

南唐書陳陶傳陶所遁西山先產藥物數十種陶採而餌之開寶中常見一叟角髮被褐與一老媪貨藥於市獲錢則市鮓對飲旁若無人既醉行舞而歌曰簞采禾

藍采禾塵世紛紛事更多爭如賣藥沽酒飲歸去深崖  
拍手歌或疑爲陶夫婦云按此卽晚唐詩人陳陶賦一  
將功成萬骨枯者觀本傳則知俗繪八仙中之藍采和  
豈人名哉以禾爲和以藍爲藍謬矣

因樹屋  
書影

漢賈捐之議罷珠崖疏云父戰死於前子關傷於後女  
子乘亭障孤兒號於道老母寡婦飲泣巷哭遙設虛祭  
想魂乎萬里之外後漢南匈奴傳唐李華弔古戰場文  
全用其語意總不若陳陶詩云誓掃匈奴不顧身五千  
貂錦喪胡塵可憐無定河邊骨猶是春閨夢裡人一變  
而妙真奪胎換骨矣

升鉛  
錄

陳陶詩可憐無定河邊骨猶是春閨夢裡人按無定河

在今青澗縣東六十里南入黃河一名奢延水又名銀水輿地記唐立銀州東北有無定河卽圍水也後人因潰沙急流深淺無定故更今名又唐陳祐詩無定河邊暮笛聲赫連臺畔旅人情函關歸路千餘里一夕秋風

白髮生

丹鉛錄

陶小與水曹任畹相善寓之詩云好向明時薦遺逸莫教千古弔靈均又自詠云近來世上無徐庶誰向桑麻

識臥龍

十國春秋

劍浦陳陶唐末隱西山步虛引云小隱山人十洲客莓若爲衣雙耳白青編爲我忽降書暮雨虹蜺一千尺赤城門閉六丁直曉日已燒東海色朝天半夜聞玉雞星

斗離離礙龍翼奇峭不減李賀

筆精

陳陶詠竹詩青嵐帶亞思君祖綠潤編多憶蔡邕陳張  
君祖竹賦青嵐運帚碧空掃烟蔡邕竹贊云綠潤碧鮮  
紺文紫錢

卅錄

扶桑山有玉雞鳴則金雞鳴而後石雞鳴天下雞皆鳴  
所謂天雞也李詩半壁見海日空中聞天雞溫庭筠詩  
漏轉霞高滄海低玻璃枕上聞天雞俱用天雞耳陳陶  
詩朝天半夜聞玉雞星斗離離礙龍翼蓋用玉雞矣詩  
人獨無用石雞者母乃貴玉賤石歟

稗史  
彙編

吳公

乾寧石刻在吳塘山唐末有吳公者棄官隱於此山故

山川村落皆以吳名元時有人淘井得石有詩字隱隱  
可辨詩云去國投茲土編茅隱舊蹤年年秋水上獨對  
數株松字大徑寸筆力遒勁末小書乾寧三年秋吳餘  
數字漫滅不可識

閩省通志

### 閩王繼鵬

繼鵬元妃梁國夫人李氏同平章事敏之女繼鵬寵春  
鶯欲廢夫人內宣徽使叅政事葉翹諫曰夫人先帝之  
甥聘之以禮奈何以新愛易乎繼鵬不聽翹復上書極  
爭繼鵬批其疏後曰春色曾看紫陌頭亂紅飛盡不禁  
秋人情自厭芳華歇一葉隨風落御溝放翹歸永泰梁  
國竟廢

金鳳外傳

韓偓

韓偓天復初入翰林其年冬車駕出幸鳳翔偓有扈從之功返正初上面許偓爲相奏云陛下運契中興當復用重德鎮風俗臣座右右僕射趙崇可以副陛下是選乞廻臣之命授崇天下幸甚上嘉嘆翌日制用崇暨兵部侍郎王贊爲相時梁太祖在京素聞崇之輕佻贊復有嫌嫌馳入請見於上前具言二公長短上曰趙崇是偓薦時偓在側梁主叱之偓奏曰臣不敢與大臣爭上曰韓偓出尋謫官入閩故偓有詩曰手風慵展八行書眼暗休看九局圖窓裡日光飛野馬案前筠管長蒲盧謀身拙爲安蛇足報國危曾捋虎鬚滿世可能無默識

未知誰擬試齊筭

據言

偃於昭宗朝召入院試學士試文五篇萬邦咸寧賦禹  
拜昌言詩武臣授東川節度使制答佛誓國王進貢書  
批三功臣讓圖形表

金鑾  
密記

朱全忠忌偃貶濮州司馬昭宗執偃手流涕曰左右無  
人矣再貶榮經尉徙鄧州司馬哀帝復召爲學士還故  
官偃不敢入朝挈族來依王審知僑居南安天祐三年  
復有前命偃又辭爲詩曰豈獨鴟夷解歸去五湖漁艇  
且鋪糟已而梁篡唐復召亦辭不往龍德三年卒於南  
安龍興寺自貶後以甲子歷歷自記所在其詩皆手寫  
成帙歿之日家無餘財惟燒殘龍鳳燭一器而已

十國  
春秋

偓十歲能詩嘗卽席爲詩送父友李商隱一坐盡驚富  
才情詞靡麗初喜爲閨閣詩後遭故遠遁出語依於節  
義得詩人之正焉

全唐詩錄

山谷嘗爲予言杜子美雖流離顛沛心未嘗一日不在  
本朝故善陳時事句律精深超古作者蓋忠義之氣奮  
發而然韓偓貶逐後依王審知其集中所載手風慵展  
八行書眼暗休看九局圖窓裏日光飛野馬案頭筠管  
長蒲盧謀身拙爲安蛇足報國危曾將虎鬚滿世可能  
無默識未知誰擬試齊竽其詞淒楚切而不迫不忘其

君也

潘子真詩話

偓與吳融同時爲詞臣偓忠於唐爲朱三面斥貶責不



悔如捋虎鬚之句人未嘗誦似爲香奩所掩及朱三篡  
弑偃羈旅於閩時王氏割據偃詩文只稱唐朝官職與  
淵明稱晉甲子異世同符予讀其集壯其志錄其警聯  
於篇內三數篇自述其玉堂遭遇唐季非復承平舊觀  
而待詞臣之禮猶然存之以備金鑑記之闕

後村詩話

韓偓當崔胤朱全忠表裏亂國獨守臣節不變寧不爲  
相而在翰苑竟忤全忠貶濮州司馬事見本傳所謂報  
國危曾捋虎鬚非虛語也

瀛奎律髓

韓致光天復二年隨駕鳳翔冬至夜作不道慘舒無定  
分却憂蚊響又成雷是時朱全忠圍岐甚急李茂貞有  
連和之意偓之孤忠處此殆知其必一反一覆終無定

在歟此關時事不但詠至節也

歲奎律髓

吳融韓偓同時慨嘆兵戈之間詩律精切皆善用事

歲奎

律髓

唐史偓傳貶濮州後卽不甚詳吾家所得偓詩皆以甲子歷歷自記有天祐二年乙丑在袁州得人賀復除戎曹依舊承旨詩又有丁卯年聞再除戎曹依前充職詩蓋兩召皆辭不赴也終身不食梁祿大節與司空表聖畧相等惜乎唐史止書乙丑一召不爲少發明之

石林集

韓偓流寓閩中所作詩僅傳南臺懷古一首云無那離腸日九迴強舒懷抱立高臺中華地向天邊盡南國雲從島上來四序有花長見雨一冬無雪却聞雷離宮紫

禁生冠冕却望扶桑病眼開倭卒於閩其子寅亮與鄭  
文寶言倭捐館日溫陵帥聞其家藏箱笥頗多而局鐫  
甚固發觀得燒殘龍鳳燭金縷紅巾百餘條蠟泪尚新  
巾香猶鬱乃倭爲學士日視草金鑒夜還翰苑當時皆  
秉燭以送悉藏之又文寶少游於延平見一老尼亦說  
斯事尼乃倭之妾耳第未考倭葬於何所也

筆精

韓偓詩極清麗有手寫詩百餘篇在其四世孫奕處倭  
天復中避地泉州之南安子孫遂家焉廣曆中予過南  
安見奕出其手集字極淳古可愛後詣闕獻之以其忠  
臣之裔得司士叅軍終於殿中丞予在京師見倭送警  
光上人詩亦墨蹟也與此無異

夢筆記

俛曰號玉山樵人所著歌詩頗多其間綺麗得意者數  
百篇膾炙人口或樂工配入聲律粉牆椒壁竊詠者不  
可勝計行書亦可喜題懷素草書詩云怪石曾秋澗寒  
藤挂古松若教臨水科字字恐成龍非潛心字學作語  
不能逮此

宜和  
書譜

釣龍臺上有盤石越王餘善釣白龍處也又名越王臺  
韓俛流寓閩中題詩云無邪離腸日九迴強舒懷抱立  
高臺九華地向城邊盡外國雲從島上來四片有花常  
見雨一冬無雪却聞雷離宮紫氣生冠冕試望扶桑病  
眼開

竹窓  
雜錄

韓偓昭宗時爲翰林學士承旨頗與國論爲崔胤朱全

忠所不容謫濮州司馬其後復官不敢入朝挈其族依  
閩中王審知嘗道沙陽寓居天王院者歲餘與老僧蕭  
明善以詩贈之至後唐時邑令張僚爲之記叙偃始末  
甚詳且述唐末亂離之事頗與唐史合予來沙陽聞之  
竊欲一觀而其碑因寺中廢爲有力者取去秘不示人  
久之始得見其副本感而賦之且錄偃詩卷中傳諸好  
事者云偶訪明公大德贈長句四韻前翰林學士承旨  
戶部侍郎知制誥韓偓上寸髮如霜袒右肩倚肩筇竹  
貌怡然懸燈深屋夜分坐移榻向陽齋後眠刮膜且揚  
三毒諭攝心徐指二宗禪清涼藥分能知否各自胸中  
有體泉詞臣謫去墮天南詩墨從來勝寺簷好事不須

收拾去世間遺集有香奩

李忠定梁溪集

韓致光吳子華皆唐末詞臣位望通顯雖國威主辱而賦詠唱和不輟存於集者不過流連光景之語如感時傷事之作絕未之見當時公卿大臣往往皆如此

後邨詩話

致光昭宗時以翰林承旨謫嶺表道湖南謝人惠含桃詩云金鑾歲歲長宣賜忍淚看天憶帝都自注云每歲初進之後先宣賜學士韓子蒼謝人惠茶云白髮前朝舊史官風爐煮茗暮江寒蒼龍不復從天下拭淚看君小鳳團意本致光而語益工

復齋漫錄

予溺章句信有年矣誠知非丈夫所爲不能忘情天所賦也自庚辰辛巳之際迄辛丑庚子之間所著歌詩不

言  
卷一  
帝千首其間以綺麗得意者亦數百篇往往在士大夫  
之口或樂工配入聲律粉牆椒壁斜行小字竊詠者不  
可勝計大盜入關細帙都墜遷徙不常厥居求生草莽  
之中豈復以吟諷爲意或天涯逢舊識或避地遇故人  
醉咏之暇時及拙唱自爾鳩鵲復得百篇不忍棄捐隨  
時編錄遐思宮體未敢稱庾信攻文却諳玉臺何必倩  
徐陵作叙粗得捧心之態幸無折齒之慚柳巷青樓未  
嘗嫌批金闥繡戶始預風流咀五色之靈芝香生九竅  
咽三危之瑞露春動七情如有責其不經亦望以功掩  
過翰林學士承旨行尚書戶部侍郎知制誥韓偓序

集  
自  
序

予自辛酉歲戲作無題十四韵故奉常王公相國首於繼和故內翰吳侍郎融令紙舍人渙閣下劉舍人崇舉吏部王員外渙相次屬和予因作第二首却寄諸公二內翰及小天亦再和余復作第三首二內翰亦三和王公一首士小天二首二學士各三首予又倒押舊韵成第四首二學士笑謂予曰謹豎降旗何妍如是也遂絕筆是歲十月末予在內直一旦兵起隨駕西狩文稿咸棄更無孑遺丙寅年九月在福建寓止有前東都度支院蘇曄端公挈予淪落詩稿見授中得無題一首因追味舊作缺亡甚多惟第二第四首彷彿可記其第三首才得數句而已今亦依次編之以俟他時偶獲全本餘



五人所和不復憶省矣

香奩集無  
題詩序

世傳香奩集江南韓熙載所爲誤沈存中筆談又謂晉  
相和凝所爲後貴惡其側艷嫁名於偓亦非也余家有  
唐吳融詩一集其中有和韓致堯無題三首與香奩集  
中無題韻正同而偓序中亦具載其事又予曾在溫陵  
於偓裔孫駒處見偓親書所作詩一卷雖紙墨昏淡而  
字畫宛然其婁娜多情春盡等詩多在卷中此可驗矣  
偓富於才情詞致婉麗能道人意外事固非凝所及據  
北夢瑣言云凝少年好爲小詞令布於汴洛泊作相專  
令人收抬焚毀拜丹人寇號爲曲子相公然則凝雖有  
集名香奩與偓同乃浮艷小詞耳安得便以今世所行

香奩集疑作耶

石林集

韓偓香奩集百篇皆艷體也沈存中筆談云乃和凝所作凝後貴悔其少作改嫁名韓偓耳今香奩集有無題詩序云予辛酉年戲作無題詩十四韻故奉常王公內韓吳公舍人令狐渙相次屬和是歲十月一日兵起隨駕西狩文藻咸棄丙歲歲在福建有蘇曄以稿見授得無題詩因追詠舊詩缺亡甚多予按唐書韓偓傳偓嘗與崔嗣定策誅劉季述昭宗反正爲功臣與令狐渙同爲中書舍人其後韓全誨等劫帝西幸偓夜追及鄆見帝慟哭至鳳翔遷兵部侍郎天祐二年挈其族依王審知而卒以紀運圖攷之辛酉乃昭宗天復元年丙寅乃

哀帝天祐二年其序所謂丙寅歲在福建有蘇曄授其稿則正依王審知之時也稽之於傳與序無一不合者則此集韓偓所作無疑而筆談以爲和凝嫁名於偓特未攷其詳耳筆談云偓又有詩百篇在其四世孫奕處見之豈非舊詩之缺亡者乎

詩語  
陽秋

致光筆端甚高唐之將亡與吳融詩律皆全不似晚唐善用事極忠憤惟香奩之作詞工格卑豈非世事已不可救始流連荒亡以紓其憂乎

瀛奎  
律髓

香奩之作爲韓偓無疑也或以爲和凝之作嫁名於韓劉潛夫誤信之攷諸同時吳融集有依韵唱和者何可掩哉誨淫之言不以爲耻非唐之衰而然乎

瀛奎  
律髓

高秀實云元氏艷詩麗而有骨韓偓香奩集麗而無骨  
時李端叔意喜韓偓詩誦其序云咀五色之靈芝香生  
九竅咽三危之瑞露美動七情秀實云勸不得也勸不  
得也

彥周詩話

韓偓詩牕裏日光飛野馬案頭筠管長蒲盧上句謂窓  
隙日影中多見飛塵人猶易解至次句則案頭竹管豈  
長蘆葦耶便相顧錯愕按中庸夫政也者蒲盧也舊注  
蒲盧是蜾蠃名爾雅云卽細腰蜂也蜾蠃取螟蛉納書  
案筆管間以泥封之閱數日而化爲蜾蠃其以之證政  
舉者正以言民化之易也是以家語曰天道敏生人道  
敏政地道敏樹夫政也者蒲盧也待化而成其著待化

而成四字明明解敏政之譬此夫子自言之且自注之者自宋人作章句改盧爲蘆以蒲葦當之則不惟中庸家語爾雅毛詩俱不能解卽韓冬郎一七字詩亦無解處矣嗟夫讀經讀詩皆不可無學如此

西河詩話

香奩集云後魏時相州人作李波小妹歌疑其未備因補之李波小妹字雍容窄衣短袖蠻錦紅未解有情夢梁苑何曾自媚妬吳宮誰教牽引知酒味因令悵望成春慵海棠花前鞦韆畔背人撩鬢道忽忽韓偓所補似言閨房之意大非其實北史廣平人李波宗族强盛殘掠不已百姓語云李波小妹字雍容褰裙逐馬如卷蓬左射右射必叠雙婦女尚如此男子安可逢李安世設

方畧誘殺之州內肅然

西溪叢語

韓偓詩鷺兒接曉梳黃鸝鳳子輕盈膩粉腰不識鳳子  
定是何物有問予姑以蜨應之問者依違而已退念藏  
書萬數不能貯心亦病也徐悟乃崔豹古今注耳謂蛺  
蝶大者爲鳳子

金玉詩話

子規人但知其爲催春歸去之鳥蓋因其聲曰歸去了  
故又名思歸鳥而不知亦爲先春而鳴之鳥史記曆書  
百草奮興姪規先皞索隱曰子規春氣發動則先出野  
澤而鳴是也韓致光春恨詩殘夢依依酒力餘城頭批  
頰伴啼鳥批頰鳥卽鴨頰也催明之鳥

日札

唐盧延遜詩樹上諳諷批頰鳥牕間壁剝叩頭蟲王半

山詩翳木窺搏黍藉草聽批頰元人送春詩批頰穿林  
叫新綠韓致光春恨詩云殘夢依依酒力餘城頭批頰  
伴啼鳥平明乍捲西樓幙院靜初聞放轆轤批頰蓋鳥  
名但不詳爲何形狀耳或曰卽鴨頰也催明之鳥丹鉛總錄  
韓偓詩云洞門深閉不曾開橫臥烏龍作妒媒又云栢  
風不動烏龍睡時有幽禽自喚名又云遙知小閣還斜  
照羨殺烏龍臥錦茵祝鑑子權賢良窮探古詩無不貫  
通一日問予曰韓致光詩用烏龍爲何事予答白樂天  
和元微之夢春游詩云烏龍臥不驚青龍飛相逐當是  
犬爾子權曰何所據余戲之曰豈不聞俚語云拜狗作  
烏龍後閩沈汾續仙傳云韋善俊携一大號烏龍化爲

龍璫之飛昇而去樂天致光詩未必不用此事

稿簡  
贅筆

北都使宅舊有過馬廳按唐韓偓詩云外使進鷹初得  
按中官過馬不教嘶注云乘馬必中官馭以進謂之過  
馬既乘之然後蹀躞嘶鳴也蓋唐時方鎮亦倣之因而  
名廳事也

溫公  
詩話

張邦基墨莊漫錄云婦人之纏足起於近世前世書傳  
皆無所自南史齊東昏侯爲潘貴妃鑿金爲蓮花以帖  
地令妃行其上曰此步步生蓮花然亦不言其弓小也  
如古樂府玉臺新詠皆六朝詞人纖艷之言類多體狀  
美人容色之妹麗及言妝飾之華眉目唇口要支手指  
之類無一言稱纏足者如唐之杜牧李白李商隱之輩



作詩多言閨幃之事亦無及之者韓偓香奩集有咏屣  
子詩云六寸膚圓光緻緻唐尺短以今較之亦自小也  
而不言其弓惟道山新聞云李後主宮嬪宮娘纖麗善  
舞後主作金蓮高六尺飾以寶物細帶纓絡蓮中作品  
色瑞蓮令宮娘以帛纏脚令纖小屈上作新月狀素襪  
舞雲中回旋有凌雲之態唐錦詩曰蓮中花更好雲裡  
月長新因宮娘作也由是人皆效之以纖弓爲妙以此  
知札脚自五代以來方爲之如熙寧元豐以前人猶爲  
者少近年則人人相效以不爲者爲恥也

輟耕錄

婦人纏足不知始自何時或云始於齊東昏則以步步  
生蓮一語也然予向年觀唐文皇長孫后繡履圖則與

男子無異又見則天后畫像其芳趺亦不下長孫可見  
唐物大抵俱然惟大曆中夏侯審詠被中睡鞋云雲裏  
蟾鈎落鳳窠玉郎沉醉也摩挲蓋弓足始見此至杜牧  
詩云鈿尺纔量減四分纖纖玉筍裏輕雲又韓偓詩云  
六寸膚圓光綴綴唐尺只抵今製七寸則六寸當爲今  
四寸二分亦弓足之尋常者矣因思此法當始於唐之  
中葉今又傳南唐後主爲宮婢窅娘作新月樣以爲始  
於此時似亦未然也

野獲編

韓致堯詩白玉堂東遙見後令人許洎畫楊妃李子田  
云許洎者論貶人是非人也今作許駁者非近諸本或  
作斗薄或轉訛陡薄殊無意義萬首絕句本作許洎當

猶近古

池北偶談

梅聖俞河豚詩云春斚飛楊花永叔謂河豚食楊花則肥韓偓詩柳絮覆溪魚正肥大抵魚食楊花則肥不必河豚也

詩話總龜

韓致光湖南食櫻桃詩云苦笋恐難同象七酪漿無復瑩蠟珠自注云秦中謂三月爲櫻笋時乃知李綽秦中歲時紀所謂四月十五日自堂厨至百司厨通謂之櫻笋厨非妄也陳無已春懷詩云老形已具臂膝痛春事無多櫻笋來

能改齋漫錄

李賀排花亂落如紅雨韓偓杏花飄雪小桃紅桃花紅而長古以雨比之杏花紅而致堯以雪比之皆可爲善

用不拘拘於故常者所以爲奇不然則柳雪李月梨雪  
桃霞誰不能道日札

杜子美云魚吹細浪搖歌扇李洞云魚搖清影上簾櫳  
韓偓云池面魚吹柳絮行此三句皆言魚戲而韓爲優  
捫 孔 新語

五七字絕句最少而最難工雖作者亦難得四句全好  
者晚唐人與王介甫最工於此如韓偓云昨夜三更雨  
臨明一陣寒薔薇花在否側臥卷簾看四句皆好詩話

農圃家風漁樵樂事唐人絕句摹寫精矣余摘十首題  
壁間每菜羹豆飯後啜苦茗一杯偃臥松窓竹榻間令  
兒童吟誦數過自謂勝如吹竹彈絲今記於此韓偓云

聞說經旬不啓關，藥窓誰伴醉開顏。  
夜來雪壓前村竹，剩看溪南幾尺山。  
又云：萬里清江萬里天，一村桑柘一村烟。  
漁翁醉著無人喚，過午醒來雪滿船。  
長孫佐輔云：獨訪山家歇還涉，茅屋斜連隔松葉。  
主人聞語未開門，繞籬野菜飛黃蝶。  
薛能云：邵平瓜地接吾廬，穀雨乾時偶自耬。  
昨夜春風欺不在，就床吹落讀殘書。  
韋莊云：南隣酒熟愛相招，蘸甲傾來綠滿瓢。  
一醉不知三日事，任他童稚作漁樵。  
杜荀鶴云：山雨溪風捲釣絲，瓦甌蓬底獨斟時。  
醉來睡著無人喚，流下前灘也不知。  
陸龜蒙云：雨後沙虛古岸崩，漁梁携入亂雲層。  
歸時月落汀洲暗，認得山家結網燈。  
鄭谷云：白頭波上白頭翁，家逐船移

浦浦風一尺鱸魚新釣得兒孫吹火荻花中李商隱云  
城郭休過識者稀哀猿啼處有柴扉滄江白石漁家路  
薄暮歸來雨濕衣張演云鷺湖山下稻梁肥豚栅雞柵  
對掩扉桑柘影斜春社散家家扶得醉人歸鶴林玉露

松江詩話曰有松棚詩一聯曰採來猶帶烟霞氣月明  
漉地金釵細以爲佳句恨不見全篇僕謂月照松影但  
見參差黑影耳安知其爲金釵松葉比之金釵者謂架  
上月照映則可不可謂地上之影也不如曰月明滿架  
金釵細此語爲得前輩謂韓退之聯句中竹影金瑣碎  
之語所謂金瑣碎者非直謂竹影也謂竹間之日影耳  
以此驗之益信僕之說爲然韓偓詩曰長松夜落釵千

殷此語無病李涉詩曰疎林透明月散亂金光滴此正

退之竹影金瑣碎

野客叢書

詠浴詩初似洗花難抑按終愛沃雪不勝任豈知侍女  
簾帷外賸取君王幾餅金按趙后外傳昭儀浴帝竊觀  
之令侍女勿言投贈以金一浴賜百餅此詩尚有所諷  
謂世之爲君者亦惑乎此也

瀛奎律髓

意有餘而不及於褻則風懷之作猶之可也書婦人之  
言於雅什不已卑乎故香奩之作唯取七言律六首此  
詩仙樹有花難問種御香聞氣不知名句佳尾句太猥

瀛奎律髓

凡寫迷離之況者止須述景如小窓斜日到芭蕉半床

斜月疎鐘後不言愁而愁自見因思韓致光空樓鴈一聲遠屏燈半滅已足色悲涼何必又顰眉山正愁絕耶覺首篇時復見殘燈和烟墜金穗如此結句更自含情無限

范草  
蒙拾

詩有銷魂者三香奩集其一也夫銷魂者卽壞心田之調也其曰打疊紅箋書恨字與奴方便寄卿卿詩媒詞逗也其曰但得暫從人繾綣何妨長任月朦朧踰牆鑽穴也其曰最是斷腸禁不得殘燈影裡夢初回旦氣枯干也其曰欲把禪心銷此病破除纔盡又重生淫惡不悛也閨之必增益淫邪之念故當以綺語爲戒

堅集

余嘗愛韓致光宮詞云繡裙斜立正銷魂宮女移燈掩



殿門燕子不歸花著雨春風應是怨黃昏

侯鯖錄

致光醉著絕句云萬里清江萬里天一村花柳一村烟  
漁翁醉著無人喚過午醒來雪滿船葛亞卿集句云萬  
里清江萬里天一村桑柘一村烟漁翁醉睡眠未醒高  
唱夕陽孤島邊前輩集句詩每一句取一家詩今亞卿  
全用致光前兩句極爲無味又後兩句不是好句不稱  
前兩句豈若致光之渾成也杜荀鶴亦有溪興絕句曰  
山雨溪風卷釣絲瓦甌篷底獨斟時醉來睡著無人喚  
流下前溪也不知語句俱弱亦不若致光之雅健也

隱漁

叢話

丙戌之冬予初病起深居簡出終日曝背晴簷萬事不

到自以荆公所選唐百家詩及復熟味之雖無豪放之  
氣而有修整之功高爲不及卑復有餘適中而已荆公  
謂欲觀唐人詩觀此足矣詎不然乎集中佳句向所稱  
道者不復錄出唯予別所喜者命兒輩筆之以備遺忘  
七言六聯韓偓殘春云樹頭蜂抱花鬚落池面魚吹柳  
絮行又云細水流花歸別澗斷雲含雨入孤村又訪王  
同年村居云門庭野水襴襴驚鄰里斷牆唧唧雞吳融  
閒望云三點五點映山雨一枝兩枝臨水花許渾山居  
云龍歸曉洞雲猶濕麝過春山草自香崔櫓春日云杏  
酪漸香鄰舍粥榆烟欲變舊爐灰

漁隱叢話

閒之爲義或曰月到門庭方是閒也古皆從日與閒同

其音稍異耳閒亦人之所難得者杜牧之有云不是閒  
人閒不得願爲閒客此閒行吳興因建得閒亭余性極  
愛閒而閒中不能靜處尋詩閒酒灌卉調禽實無閒時  
因憶韓致堯有詩云書牆暗記移花日洗釜先知醞酒  
期須信閒人有忙事早來衝雨覓漁師玉山樵人可謂

同調矣

日有

閩中壤狹田少山麓皆泊爲隴畝昔人所謂僧田也喪  
亂以來逃亡畧盡磽田蕪穢盡矣予寒食登邵武詩話  
樓詩有遺令不須仍禁火四郊茅舍久無烟之句及觀  
唐韓偓過閩中有千村冷落如寒食不見人烟只見花  
之句明張武之撫閩亦有除夜不須燒爆竹四山烽火

照人組之句千古有同悲也

閩小紀

飛燕於太液池歌歸風送遠之曲酒酣風起揚袖曰仙  
乎仙乎帝令馮無方持后裙帶爲之綴唐人豔句餘煖  
戀香轡讀之心如況持湘江六幅耶然宮奴赤鳳早並  
溫柔鄉竊之

落桂齋說

### 徐寅

徐寅字夢昭博學經史尤長於賦乾寧初舉進士試止  
戈爲武賦有破山加點擬戎無人之句侍郎李憐奇之  
擢秘書省正字寅嘗作人生幾何賦四方傳寫長安紙  
價爲高者三日時朱全忠以梁國兼制匹鎮寅投所業  
引見間無雲而雨素詩立成一絕全忠大喜一日醉誤

觸譚全忠色變殺其主客寅大懼時全忠竊窺唐祚屢  
與李克用相攻時夢淮陰侯授以兵法寅遂作遊大梁  
以獻有千年漢將感精魄以神交一眼胡奴望英風而  
膽落之語漢將指韓淮陰一眼胡奴指克用也全忠讀  
之大喜令軍士誦之手酬一縑不責前慢及梁祖受禪  
再試進士第一梁祖曰是賦人生幾何者耶三皇五帝  
不死何歸此語盡改之寅曰臣寧可無官不可改賦遂  
拂衣歸梁祖怒削其名

聞書

九國志載大梁賦云客有得意還鄉遊於大梁遇郊垌  
之耆舊問今古之侯王父老曰且說當今休論往古昔  
時之功業誰見今日之聲名有觀中一聯云遂使千年

漢將憑吉夢以神符一眼胡奴望英風而膽喪十國春秋

寅才思敏絕黃滔爲威武節度推官太祖餽以魚會滔與寅方接談卽請寅爲謝牋寅殊不經意援筆疾書曰銜詔斷索纔從年續懸來列在瑯盤便到馮謹食處時人大稱之有探龍集一卷雅道機要並詩八卷亦曰釣磯集又有賦五卷其最著者過驪山賦畧曰宅彼岡巒光斯陵闕猶驅六宮以殉葬豈言蔓草之縈結嫌示儉於當時更窮奢於旣歿融銀液雪疏下地之江河帖玉懸珠皎窮桑之日月嶸嶸層層不騫不崩斯高之喉舌方滑劉項之雲雷忽興軹道一朝璽獻漢家之主驪山三月火燒秦帝之陵斬蛇劍賦畧曰磨霜礪雲兮熒煌

錯落伊逐鹿之英聖有斬蛇之鋒鏑蓋以磨正乾坤劃  
分善惡楚國之奸雄徒爾烹若窮鱗常山之首尾胡爲  
斷如朽索斯劍也髮白帝之亡符赤帝之昌雖行大義  
亦假雄鋒龜文龍藻玉鏤金裝世亂將用時清則藏十  
二年兮如我淬七十陣兮摧而剛空山吞象之蛇豈銳  
蓮鏑大澤銜珠之血不汚星光句踐進西施賦畧曰寶  
馬騰龍香車碾風迎織女於銀漢聘姬娥於月宮炫耀  
雲外喧騰洞中粧成而瑞玉凝彩服麗而朝霞剪紅曉  
別越溪暮歸吳苑越慮計失吳嫌進晚歌一聲兮君魄  
醉笑百媚兮君心卷坐令佞口因珠翠以興言立遣謀  
臣奔洪濤而不返勾踐乃走電驅雷星馳箭摧投醪而

士卒皆醉嘗膽而羽襟洞開虎噬骨碎山崩外摧楚腰  
衛鬢化爲鬼鳳閣龍樓燒作灰於是命屠蘇之酒上姑  
蘇之臺伊霸業以何去俄英風之聿來御溝水賦畧曰  
重輪而瑞照紅日五色而光搖彩霞時時而翡翠垂波  
飛穿禁柳往往而鷺鴦逐浪脚出宮花他賦多類此國

春秋

初太祖從子延彬刺泉州徐寅每同遊賞及陳郊倪曙  
等賦詩酣酒爲樂凡十餘年常被病求藥物於延彬延  
彬答書著自調護亦可自開豁三皇五帝不死何歸蓋  
舉寅人生幾何賦語以戲之也賦云七十戰爭如虎豹  
竟到烏江三千賓客若鴛鴻難尋珠履又云南陵公子



綠鬢改而華髮生北里豪家昨日歌而今朝哭又云常  
聞蕭史王喬長生就見任是三皇五帝不死何歸寅賦  
贈炙人口渤海高元固來言本國得斬蛇劍賦御水溝  
及人生幾何賦家宗皆以金書列爲屏幃其珍重如此

十國  
春秋

延壽溪唐徐正字寅隱此溪有延壽橋橋北有石微露  
者寅釣磯也有潭名徐潭亦以寅故寅常作斬蛇及人  
生幾何二賦渤海高元固入閩求識之言其國得其二  
賦家家以泥金書幃及隱此自賦詩云賦就神都振大  
名斬蛇工與樂天爭歸來延壽溪頭住終日無人問一  
聲劉克莊溪潭詩有門外青山皆我有從今不必喚徐

渾之句夜夢寅拊背云我昔勝君昔君今勝我今有盛  
還有替何必苦相信良一異也

閩書

徐寅莆田人乾寧中進士海內多故依王審知嘆曰丈  
尺之水安能容萬斛之舟隱居終身其妻字月君有贈  
內詩中一聯云神傳尊聖陀羅呪佛授金剛般若經卽  
此堪偕隱者矣寅有探龍釣磯二集作詩甚多中以東

西南北爲題

湧幢小品

黃巷山唐較書黃璞公所居山也璞家在福州人名其居  
巷曰黃巷後避黃巢寇徙是山下尚以黃巷名之徐寅  
黃較書閒居詩取得驪龍第四珠退依僧寺卜貧居青  
山入眼不干祿白髮盈頭猶著書

閩書

徐寅先輩詩如豐年一甲子春無雨良夜庚申夏足眠身  
閒不厭常來客年老偏憐最小兒又五言歲計懸僧債  
以此知閩人苦貧貸具僧而取其息自唐末已然矣劉后  
子友貢士徐君端為請跋其八世祖諱昶雍熙端拱二  
詔予既著語於雍熙之後矣因問貢士家譜君曰本徐  
彥伯之後彥伯見重史與蘇味道李嶠崔融同時以文  
章擅名彥伯生務干八寶末避亂入閩居泉州莆田縣崇  
仁里徐村務生在夢溪始居延壽又五傳至先輩是為延  
壽之徐先輩晚年有歸來延壽溪頭坐終日無人問  
聲之句今釣磯草堂猶存至曾孫以俸薄能廉官卑不  
屑為詞臣王黃州所稱蓋徐氏自彥伯後種詩書遺子

以綿綿不絕貢士於先輩爲十一世祖於曹州郡掾爲  
八世祖詞章似先輩操履似郡掾其淵源所漸遠矣復  
書此於端拱詰之後

後村題跋

### 黃滔

黃滔字文江乾寧二年進士除四門博士朱梁移國因  
歸閩不復西以監察御史裏行充威武軍節度推官王  
審知據有全閩而終其身爲節將者滔規正有力焉中  
州名士避地於閩者若李絢韓偓王滌崔道融王標夏  
侯淑王抃楊承休楊贊圖王侔歸傳懿輩悉主於滔有  
泉山秀句集及文集行世洪邁序滔文瞻蔚典則策扶  
教化詩清淳丰潤若與人對語郁郁有貞元長慶風祭

陳林先輩諸文悲愴激越馬嵬館娃景陽水殿諸賦雄  
新雋永使人讀之如身生是時目攝其故楊萬里稱滔  
詩如聞新鴈一聲初觸夢半白已侵頭餘燈依古壁片  
月下滄洲遊東林寺寒三伏雨松偃數朝枝上李補闕  
諫草封山藥朝衣施衲僧退居詩青山寒帶雨古木夜  
啼猿與韓偓吳融輩並遊未知何人徐行後長者也書聞  
唐昭宗乾寧二年試進士刑部尚書崔凝下二十五人  
放榜後宣詔翰林學士陸扆秘書監馮渥入內各贈衣  
一副及袍被於武德殿前復試但放十五人自狀頭  
張貽範以下重落其六人許再入舉場四人所試再下  
下許再入蘇楷其一也故挾此憾至於駁昭宗聖文之

崔凝坐貶合州刺史是時國祚如贅疣悍鎮強藩請  
隊問鼎之不暇顧惓惓若此其再試也詩賦各兩篇內  
良弓獻問賦以太宗問工人木心不正脉理皆邪若何  
道埋十七字皆取五聲字依輪次以雙周隔句爲韵限  
三百二十字張貽範等六人訖唐末不復綴榜蓋是時  
不糊名一點之後主司不敢再收拾也有黃滔者是年  
及第閩人也九世孫沃爲吉州永豐宰刊其遺文初試  
覆試凡三賦皆在焉曲直不相入賦以題曲直兩字爲  
韵祥云邪正殊途各有好惡終篇只押兩韵良弓獻問  
賦取五聲次第用各隨聲爲賦格於是第一韵尾句云  
資國祚之崇崇上平聲也第二韵垂寶祚於綿綿下平

聲也第三韵曾非唯唯上聲也第四韵露其言而粲粲  
去聲也而闕入聲一韵賦韵如是前所未有國將亡必  
多制亦云可笑矣

客齋  
四筆

晚唐士人作律賦多以古事爲題寓悲傷之旨如吳融  
徐寅諸人是也黃滔宇文江亦以此擅名有明皇回駕  
經馬嵬坡隔句云日慘風悲到玉顏之死處花愁露泣  
認朱臉之啼痕雲萬疊斷腸新出於啼猿秦樹千層  
比翼不如於飛鳥羽衛參差擁翠華而不發天顏愴恨  
覺紅袖以難留神仙表態忽零落以無歸雨露成波已  
沾濡而不及六馬歸秦却經過於此地九泉隔越幾悽  
涼平生景陽井云理昧納隍處窮泉而詎得誠垂馭

朽攀素綆以胡顏青銅有恨也從零落於秋風碧浪無  
情寧解流傳於夜壑荒涼四面花朝而不見朱顏滴瀝  
千尋雨夜而坐啼碧溜莫可追尋玉樹之歌聲邈矣最  
堪惆悵金瓶之咽處依然館娃宮云花顏縹緲欺樹裡  
之春風銀燭熒煌却城頭之曉色恨留山鳥啼百草之  
春紅愁寄隴雲鎖四天之暮碧遺堵塵空幾踐羣游之  
鹿滄洲月在寧銷怒觸之濤陳皇后因賦復寵云已爲  
無雨之期空懸夢寐終自凌雲之製能致烟霄秋色云  
空三楚之暮天樓中歷歷滿六朝之故地草際悠悠白  
日上昇云較美古今列子之乘風固劣論功晝夜姮娥  
之奔月非優凡此數十聯皆研確有情致若去格律之



卑則自當時體如此耳

客齋四筆

黃滔省試內山白鹿宣示百官詩上瑞何曾乏毛羣表  
色難推於五靈少宣示百寮觀形奪塲駒潔光交月兔  
寒已馴瑤草列孤立雪花團戴豸慚端士抽毫躍史官  
貴臣歌詠日皆作白麟看又省試奉詔漲曲江池地脉  
寒來淺恩波佳後漸引將諸派水別貯大都春幽咽疏  
通處清冷迸入辰漸平連杏岸旋濶映梅津沙沒迷行  
徑洲寬恣躍鱗願營舟楫便一附濟川人此題一本無  
省試字且云詔字當是試字之誤按唐制登進士後又  
有試名奉試前崔曙荆冬情皆有奉試題是也且此試  
不用題韻似特試者况省試二字亦決有誤按此題註

乾符二年在僖宗朝而前內出白鹿題註乾寧二年在昭宗朝則自乾符至乾寧約二十餘年未有乾符既中省試而復赴乾寧省試者也此必有一試係制試或奉試而題誤註作省字耳然不可考矣

唐人試帖

律有嫌韵謂通韻之疑似者多用之律詩首一句以唐律四韵首句原不在韻例之內既非奸犯亦非兼用祇以韻音疑似故及之謂之嫌韵然嫌韻可通而不可轉如東之嫌冬有黃滔寄楊贊圖學士東堂第一領春風時怪關西小驥慵王建上張弘靖相公傳封三世盡河東家占中條第一峰諸詩冬之嫌東有白居易妻初授邑號諧身弘農舊縣受新封細鈿金泥諧一過皮日休

寄滑州李副使員外兵繞臨淮數十重鐵衣才子正從

公諸詩他韵盡然

古今通韵

天祐元年翁承贊以右拾遺受詔冊王審知爲瑯琊王  
賜金紫以行易其鄉名里號曰文秀光賢書錦黃滔贈  
以詩有建水閩山無故事長卿嚴助是前身之語梁開  
平四年復爲閩王冊禮副使滔復贈詩曰衣錦還鄉翻  
是客迴車謁帝邦爲歸

閩書

囊山形如懸囊僧涅槃隱其下曰囊山院廟階甚爲宏  
壯外有放生池唐黃滔詩山有重囊勢門開雨徑斜溪  
聲寒走澗海色月流沙菴外曾遊虎堂中舊雨花不知  
遺識地一一落誰家

閩書

俗傳羅隱出語成讖著有異跡若羅裳山之畫馬石深  
鹿之石壁山書字及建安書簡灘所載予初尚未信其  
果此羅隱與否及讀楊文敏書簡灘記已稍信之因閱  
黃滔贈隱詩三微不起時賢議九轉終成道者言方知  
隱學道修真人也

閩書

茅鹿門先生晚喜作詩自稱半路修行語多率易次子  
國縉登第喜而口占曰堂前正索千金賞門外高懸五  
丈旗聞者皆笑然黃滔已先之矣滔放榜詩曰白馬嘶  
風三十轡朱門秉燭一千家御試曰九華燈作三條燭  
萬乘君懸四首題以古準今如出一手然則先生未可  
笑也

湯幢  
小品

翁承贊

承贊字文饒，福清人。舉唐乾寧三年進士，累官右拾遺、戶部員外郎。後失節，爲梁諫議大夫。自號狎鷗翁。有詩集一卷，見唐書藝文志。並畫錦集宏詞前後集共二十卷，俱軼不傳。余家收得冊封閩王時律詩三十餘首，中多佳句，如窓含孤岫，影牧臥斷霞。陰早涼生戶，牖孤月照開河。參差鴈陣天初碧，寥落漁家蓼欲紅。長淮月上魚鬣鬢，荒渚人稀獺印蹄。松都舊日門人種，路是前朝禪子開。誠晚唐作手也。

陸陰新檢

翁承贊，唐末爲諫議大夫，使福州。至劍浦，見舊識僧亞栖，贈詩云：蕭蕭風雨建陽溪，溪畔維舟見亞栖。一軸新

詩劍潭北十年舊識峯山西吟魂惜向江村老空性原  
知世路迷應笑乘輶青瑣客此時無暇聽猿啼

鑑戒錄

出寧越門二里曰橫山迤西南爲惠澤山一名獨山爲  
南臺山崇阜屹立俯瞰巨潭臺上可坐百餘人舊記越  
王餘善釣得白龍於此遂築臺表瑞臺高四丈週廻三  
十六步名釣龍臺今市廛矣有宋米芾書全閭第一江  
山趙汝愚隸古南臺皆刻石上臺西有靈溝廟其地故  
名洪溝有隄名新豐市堤唐翁承贊冊封閩王審知還  
朝於此餞別承贊詩有登雲樓上方停樂新市堤邊又  
舉杯之句

閩書

俗云槐花黃舉子忙翁承贊詩云雨中粧點望中黃勾

引蟬聲送夕陽憶得當年隨計吏馬蹄終日爲君忙乃知俗語亦有所自也

詩話  
總龜

### 江爲

緇素雜記載江南野錄云江爲者宋世淹之後先祖仕於建陽因家焉予觀南史江淹傳淹濟陽考城人宋少帝時黜爲建安吳興令終於梁天監中左衛將軍又吳均傳云濟陽江洪工屬文爲建陽令坐事死竟陵王子良開西邸招文學洪以美詞藻游焉淹與洪俱出考城又俱仕齊梁間淹爲建安吳興令而後他遷洪爲建陽令而死於建陽疑爲之乘出於洪非出於淹爲工詩如天形圓澤國秋氣露人家之句極膾炙人口少遊江南

有詩云吟登蕭寺梅檀閣醉倚王家玳瑁筵後主見之  
曰此人大是富貴家而劉夜坐夏江城等並就傳句法  
後以譴死今建陽縣之西七里有靖安寺卽爲之故居  
留題者甚衆惟陳師道洙一篇最佳云處士亡來幾百  
年舊居牢落變祗園詩名長伴江山秀寃氣上摩星斗  
昏臺榭幾人留雅句漁樵何處問曾孫當時泉石生涯  
地日暮寒雲古寺門

藝苑  
蟬黃

南唐書云江爲其先宋人避亂建陽遂爲建陽人爲有  
題白鹿寺詩云吟登蕭寺梅檀閣醉倚王家玳瑁筵元  
宗南遷駐於寺見其詩稱美久之爲由是放肆自謂俯  
拾青紫乃詣金陵求舉屢黜於有司爲怏怏不能自己



欲京亡吳越會同謀者上變按得其狀伏罪予以二書  
考之藝苑謂後主見爲詩有富貴家之語及爲後以讒  
死其言悉非是當以南唐書爲正也

漁隱叢話

江爲山水障歌云適來一觀山水障萬里江山在其上  
遠近猶如二月春咫尺分成百般象一巖嵯峨在雲際  
七賢鎮在青松裏潭水澄泓不見波孤帆晃漾張風勢  
釣魚老翁無伴侶孑然此地經寒暑灘頭坐久鬢絲垂  
手把漁竿不曾舉樹婀娜山崔嵬片雲似去又不去  
鸛如飛又不飛良工巧匠多分布筆頭寫出江山路垂  
柳風吹不動條樵夫負重難移步

盤齋集

江爲岳陽樓詩云倚樓高望極展轉念前途晚葉紅殘

楚秋江碧入吳雲中來鴈急天末去帆孤明月誰同我

悠悠上帝都

唐詩紀事

江爲詩竹影橫斜水清淺桂香浮動月黃昏林君復只改二字爲疎影暗香以詠梅遂成千古絕調詩字點化之妙如丹頭在手瓦礫皆金

紫桃軒雜綴

殘雪未消雙鳳闕新春先入五侯家晚唐張蠡詩也劉孟熙易殘以霧易新春以春風攘爲已作遂以此得名人或少之然竹影橫斜水清淺桂香浮動月黃昏非江爲詩乎林君復易疎暗二字竟成千古名句所云一字之師與活剝生吞者有別也

靜志居詩話

王延彬

延彬圭之子忠懿之猶子也圭死襲其父封於泉性多  
藝而奢縱日服一巾櫛日易一汗衫能爲詩亦好談佛  
理詞人禪客謁見多爲所沮初圭領兵至泉州舍於開  
元寺始生延彬於寺之堂旣生而有白雀一棲於堂中  
迄延彬之終方失其所在凡三十年仍歲豐稔每發蠶  
舶無失墜者人因謂之招寶侍郎朝廷贈延彬雲中節  
度使及卒復葬雲臺山迄今閩人謂之雲臺侍中有詩  
曰兩衙前後訟堂清軟錦披袍擁鼻行雨後綠苔侵履  
迹春深紅杏鎖鶯聲因携久醞松醪酒自煮新抽竹筍  
羹也解爲詩也爲政儂家何似謝宣城人多誦之釋史彙編  
徐寅興化軍莆田人以秘書正字歸老鄉里旣死節度

使王延彬以詩哭之曰延壽溪頭嘆逝波古今人事  
消磨昔除正字今何在所謂人生能幾何延壽溪寅  
居也

詩史

泉州開元寺弘明禪師林性簡素不求羸餘稍食亡有  
雖王公予膏腴却不納刺史王延彬贈句有莫怪我  
偏禮足蕭官無箇似吾師之語

闕書

### 陳貺

陳貺閩人性淡漠孤貧力學積書至數千卷隱廬山幾  
四十年衣食乏絕不以動心有季父爲沙門時時賴其  
資給苦思於詩得句未成章已播遠近學者多師事焉  
元宗以幣致之布裘鹿鞞進止閒肆因獻景陽宮懷士

詩云景陽六朝地運極自依依一會皆同是到頭誰論  
非酒濃沉遠慮花好失前機見此尤宜戒正當家國肥  
元宗稱善欲授以官貺固不受賜粟帛遣還舊隱卒年  
七十榕海詩話  
貺有詩數百首骨格強梗出於常態江南野史

顏仁郁

顏仁郁泉州人仕閩爲歸德場長時土荒民散仁郁撫  
之一年襁負至二年田萊闢闢三歲而民田足有詩百  
篇宛轉回曲歷道人情邑人送歌巷唱之號顏長官詩  
其勸農詩曰夜半呼兒趁曉耕羸牛無力漸艱行時人  
不識農家苦將謂田中穀白生十國春秋

龍尋邑東有顏長官仁郁祠長官五代時能撫循其民  
使不見兵革龍尋志所刻詩百篇皆道民疾苦皇皇不  
給之狀余生三百年後奉天子命字茲邑首謁祠下因  
次韵以寄甘棠之思且使來者知我愛桐鄉之意云未  
芳龍尋稿

### 林無隱

林鼎字煥文閩人父無隱鼎生於明州大隱村初刺史  
黃晟頗好禮士無隱依之有詩名嘗爲詩云雪消二月  
江湖濶花發千山道路香知言者以無隱必生貴子鼎  
仕吳越果至丞相吳越備史

### 楊鳧

楊晃字易之閩人山中云背日流泉生凍早逆風歸鳥

入巢遲

雅言  
系述

陳嵩

永福之澄潭山去城六十里五代時陳嵩居此嵩嘗出  
遊有辭父墓詩云高蓋山頭日影微野風吹動紙錢飛  
墳前滴酒空垂淚不見丁寧道早歸萬首唐人絕句又  
作陳去疾詩按大明一統志載此詩於南安縣高蓋山  
下以爲歐陽詹所作閱歐陽集無載乃知纂修當有考  
也 問書

江文蔚

江文蔚建陽人長於詞賦仕南唐拜御史中丞坐劾宰

相貶江州治世車奉母欣然就道嘗作詩曰屈原若幸  
高堂在終不出環沙葬汨羅尚友錄

### 虞臯

羅源虞臯者晉鬻黃精於市僞閩龍啓中爲道士陳守  
元所辱故人不當敏者挾之去供以酒肉無倦色一日  
謂當敏曰予累公多年矣請過吾廬可乎當敏笑曰爾  
安有家臯曰亦有之但捐余肩頃刻可至遂從梅嶺抵  
茅山羅喜洞以杖三叩洞門大開洞中玉堂金闕麗人  
被珠襦者百數所飲食皆非人世所有居十日而歸送  
之洞門衆吹尺八擊玉磬相和而歌曰朝爲雄兮夕爲  
雌天地盡兮人生幾時歌畢俱散當敏歸至邑乃明



洪武十二年矣城郭人民皆非昔日遍訪羅源無一木  
姓者但西隅半街陳氏尚呼其住屋爲木厓裡

嘉話補遺

詹敦仁

詹敦仁字君澤避亂隱仙遊植德峰下上閩主繼鵬書  
累數百言繼鵬召之飲且欲留之命決參軍事敦仁謝  
以詩有周粟不繼榮寧忍食草廬頻顧漫勞思句強以袍  
笏不受已頌以杜門不出清源節度使留從效再辟之乃  
求監小溪揮初既至請升場爲縣未幾舉王直道自代隱  
居佛耳山自號清隱

十國春秋

閩詹敦仁字從留從效問劉儼改名龔字音義詩云伏羲  
初畫卦蒼氏乃製字點畫有偏傍陰陽貴協比古者不

嫌名周人始知稱諱始諱猶未酷後習轉多忌或援他代  
易或變文迴避濫觴久滋蔓傷心日益熾孫休命子名  
吳國尊王音心竇苻蠶弄僻詎显竅樊畢梁復踵已非時  
亦迹舊事驗慨然自其一蜀闕是其二鄙哉仇啓名陋矣  
越端義大庾有天下武后擁神器私制迄無取古音實  
相類乖廬回回星盧惡匡而塞在回及墨盧作史難詳  
備唐祚值頤危劉龔懷僭僞吁嗟毒蛟輩睥睨飛龍位  
龔儼騷同音形體殊乖致廢學媿未引來問辱不棄奇  
字難雄博摛文伏韓智因誦鄙所聞敢布諸下吏從效  
得詩大加嘆服

清源文  
獻志

劉乙

鳳山安溪縣主山也五代劉乙隱其下乙字子真不知何許人仕閩爲鳳閣舍人後隱是山與周朴詹君澤友所爲詩有擁石雲隨帚耕山鳥傍人之句君澤嘗遣子班訪之贈以詩掃石耕山舊子真布衣草屨自隨身石崖壁立題詩處知是當年鳳閣人觀若澤所贈乙詩乙蓋高士也

闕書

南安九日山山麓有寺曰延福晉太康中所勅去山二里許其移山畝漉則唐大曆三年寺額歐陽四門所書也五代劉乙詩畝口見畫圖勞健羨如今親見畫猶粗山之勝故可見矣寺故五十有四宋元豐間合爲延福禪寺云

闕書

黃子稜

世以考亭稱文公予癸巳陪巡過建陽宿麻沙見晦翁  
後人所藏家譜知考亭是黃氏之亭後從徐存永得見  
黃詩按五季亂黃端公子稜隨父禮部尚書入閩見建  
陽山水秀麗遂家焉子稜詩云青山木笏尚初官未老  
金魚是等閒世上幾多名將相門前無此好溪山市樓  
晚日紅高下客艇春波綠往還人過小橋頻指點全家  
都在畫圖間歿而葬於三桂里子稜乃築亭於半山以  
望其考因名曰望考文公居近其地世因以考亭稱之  
以地稱人可也以他人之考稱文公於理甚悖然公在  
日實無以此稱之者後人誤謬急當改正

閩小紀

唐末侍御史黃子稜自洛陽寓居建陽東觀山築亭以望其父之墓曰望攷亭因以名里朱文公之父韋齋先生愛建陽山水未及卜居公築考亭以承先志正取黃侍御之意後人專以考亭屬文公侍御之名湮矣人過小橋頻指點全家都在畫圖間侍御詩中句

敬業堂詩注

### 鍾謨

鍾謨建安人爲李璟奉表於周孫晟遇害獨赦謨爲輝州司馬有詩與州將云翩翩歸盡塞垣鴻隱隱初聞蟄戶蟲渭北離愁春色裏江南家事戰塵中還同逐客紉蘭佩誰聽纍囚奏土風多謝賢侯振吾道免令搔首泣途窮後畫江爲界世宗召爲衛尉卿放還因作詩以獻

畧云三年耀武羣雄伏一日回鑾萬國春南北通歡永  
無事謝恩歸去老陪臣世宗悅

談苑

### 孟貫

閩嶺孟貫性疎野喜篇章不以名宦爲意大諫楊徽之

稱之如寄張山人草堂云掃葉林風後拾薪山雨前

詩史

周世宗幸廣陵孟貫以詩獻之云不伐有巢樹多移無

主花謂貫曰弔民伐罪何有巢無主之有遂釋褐授官

江南  
野錄

孟浩然詩不才明主棄多病故人疎唐玄宗聞之曰卿

自棄朕朕何嘗棄卿孟貫詩不伐有巢樹多移無主花

周世宗聞之曰朕伐叛弔民何謂有巢無主二子正坐

詩窮所謂轉喉觸諱

漫叟詩話

### 王感化

江南李氏樂人王感化建州人隸樂籍建州平入金陵教坊善爲詞時本鄉節帥更代餞別感化前獻詩曰旌旆赴天臺溪山曉色開萬家悲更喜迎佛送如來至金陵宴苑中有白野鵲李璟令賦詩應聲曰碧雲深洞恣遊遨天與蘆花作羽毛要識此來棲息處上林瓊樹一枝高又題怪石凡八句皆用故事但記其一聯云草中誤認將軍虎山上曾爲道士羊

談苑

細素雜記云楊文公談苑載伶人王感化少聰敏未嘗執卷而多識故實口諧捷給滑稽無窮會中主引李繼

勲嚴續二相遊苑中適見繫牛於株枿上令感化賦詩  
應聲曰曾遭寧戚鞭敲角幾被田單火燎身獨向斜陽  
嚼枯木近來問喘更無人因以譏二相也又中主徙豫  
章潯陽遇大風中主不悅命酒獨酌指北岸山問舟人  
云皖公山愈不懌感化獨前獻詩曰龍舟萬里駕長風  
漢武潯陽事正同珍重皖公山色好影斜不落壽杯中  
中主大悅賜束帛

漁隱叢話

### 韋添

僞閩中書吏韋添天字謎云露頭更一日真是艷陽根

清異錄

### 何瓚



何瓚閬人也唐末舉進士及第後唐莊宗爲太原節度使辟爲判官莊宗每出征伐留張承業守太原承業卒瓚代知留守事莊宗卽位拜諫議大夫已而求留守北京瓚與明宗有舊明宗稍大號召還見於內殿勞問久之未幾進秩僕射以爲西川節度副使是時後蜀高祖方以副使趙季良爲腹心聞瓚代之亟奏留季良遂改瓚行軍司馬瓚不得已來成都初高祖在北京爲馬步軍都虞侯而瓚留守太原高祖以軍禮事瓚瓚常繩以法高祖不樂及瓚爲司馬猶勉待之甚厚高祖舉兵罷瓚司馬置之私第瓚飲恨而死瓚常有蜀城書事詩云到頭須卜林泉隱自愧無能繼臥龍題詩後十句遂得

篤疾

十國春秋

黃夷簡

夷簡閬雅有詩名在錢忠懿王俶幕中陪樽俎二十年  
開寶初太祖賜俶開吳鎮越崇文耀武功臣遣夷簡謝  
於朝將歸上謂夷簡曰歸語元帥朕已於薰風門外建  
離宮規模華壯不減江浙兼賜名禮賢宅以待李煜與  
元帥先朝者卽賜之夷簡受天語俛首而歸私自籌曰  
茲事大難王或果以去就之計見決於我胡以爲對迨  
歸兄俶因不匿盡以天訓授之遂稱疾於安溪別業保  
身潛遁夷簡山居詩有宿雨一番蔬甲嫩春山幾焙茗

旗香

玉壺清話

鄭文寶

鄭工部文寶謫監郢州京山縣稅過信陽軍白馬驛作  
絕句郢州工部詩集無之詩云得罪前朝出粉闥五原  
功業有誰知年餘放逐無人識白雪關前一望時在京  
山又有寒食紆秀上人禪房詩云花時懶看花來訪野  
僧家勞師擊薪火勸我雨前茶詩篆書刻石多寶寺中  
塵史

鄭文寶字仲賢南唐近事江表志二書其所作也律詩  
多佳句惜其全集不傳郊居云百草千花路斜風細雨  
天送枝江秦長官云官嫌容易達家愛等閒賁送曹緯  
云小舟聞笛夜微雨養花天長安別友云杜曲花香濃

似酒灞陵春色老於人又綠野堂云水暖鳬鷺行哺子  
春深桃李臥開花歐陽公亟稱之謂不減王維杜甫寒夜錄

西洛故都荒臺廢沼遺迹依然見於詩者多矣惟錢文  
僖公一聯最爲警絕云日上故陵烟漠漠春歸空苑水  
潺潺裴晉公綠野堂在午橋南往時嘗屬張僕射齊賢  
家僕射能相歸洛日與賓客吟宴於其間惟鄭工部文  
寶一聯最爲警絕云水暖鳬鷺行哺子春深桃李臥開  
花人謂不減王維杜甫也錢詩好句尤多而鄭句不惟  
當時人莫及雖其集中自及此者亦少

六詩話

亭亭畫舫繫寒潭直到行人酒半酣不管烟波與風雨

載將離恨過江南嘗有人客舍壁間見此詩莫知誰作  
或云鄭兵部仲賢也然集中無有好事者或填入樂府  
仲賢當前輩未貴杜詩時獨知愛尚往往造語警拔但  
體小弱多一律可恨耳歐陽文忠公稱其張僕射園中  
一聯以爲集中少此恐公未嘗見其全編大抵仲賢情  
致深婉比當時輩流能不專使事而尤長於絕句如一  
夜西風旅鴈秋背身調鐵索征裘關山落盡黃榆葉駐  
馬誰家唱石州又江雲薄薄日斜暉江館蕭條獨掩扉  
梁燕不知人事改雨中猶作一雙飛若此等類須在王  
摩詰伯仲之間劉禹錫杜牧之不足多也

蔡寬夫詩註

蘇氏王子晉昇仙之地有祠在焉鄭工部文寶常題一

絕云秋陰漠漠秋雲輕緜氏山頭月正明帝子西飛仙  
馭遠不知何處夜吹笙後晏元獻守洛過見之取白樂  
天語書其後云此詩在在處處有神物護持

西語詩話

予于叢話前集云鄭兵部仲賢鄭工部文寶不知其果  
一人耶果二人耶今觀歐陽永叔詩話云鄭工部文寶  
於張僕射園吟詩一聯最爲警絕云水暖鳬鷖行哺子  
春深桃李臥開花蔡寬夫詩話云鄭兵部仲賢歐陽文  
忠公稱其張僕射園中一聯以爲集中少比卽前一聯  
詩是也以此考之則文寶仲賢蓋是一人名與字耳但  
工部兵部之稱不同西清詩話云緜山王子晉祠詩是  
鄭工部文寶題則工部之稱與歐公同但寬夫誤作兵

部耳

漁隱叢話

予弟姚安太守未菴慥字用能酒邊誦一絕句云亭亭  
畫舸繫春潭只待行人酒半酣不管烟波與風雨載將  
離恨過江南兄以爲何人詩予曰按宋文鑑是張文潛  
詩也未菴取草堂詩餘周美成尉遲杯注云唐鄭仲賢  
詩予因嘆唐之詩人姓名隱而不傳者何限或文潛愛  
而書之遂以爲文潛作耳

藝林  
伐山

杜甫終於耒陽藁葬之至元和申其孫始改葬於鞏縣  
元微之爲誌而鄭荆部文寶謫官衡州有經耒陽子美  
墓詩豈但爲誌而不克遷或已遷而故塚尚存耶溫公詩話  
雷州及海外瓊崖多香木夷民以爲槽飼雞犬鄭文寶

詩曰沉檀香楹在天涯賤等荆衡水面槎何必爲槽餌

雞犬不如煨燼向豪家

談苑

郢中寺壁有鄭文寶詩親筆寒食訪僧舍云客舍愁經  
百五春雨餘溪寺綠無塵金花何處鞦韆鼓粉頰誰家  
鬪草人水上碧桃流片段梁間歸燕語逡巡高僧不飲  
客攜酒來勸先朝放逐臣

詩話  
總龜

鄭文寶郊居云百草千花路斜風細雨天重經貶所云  
過關已躍擣蒲馬悞喘尤驚顧兔奔洛城云星沉會節  
歌鐘早天半上陽烟樹微贈張靈州云越絕曉殘蝴蝶  
夢單于秋引盡龍聲長安送別云杜曲花光濃似酒灞  
陵春色老於人送人歸湘中云滿帆西日催行客一夜



東風落楚梅南行云失意慣中遷客酒多年不見侍臣  
花棲靈隱寺云舊井霜飄仙界橘雙溪時落海邊鷗送  
人知韶州云碧落春風老朱陵古渡頭永熙陵云承露  
氣清駒送日觚稜人靜烏呼風邊上云鬢間相似雪峯

外寂寥烟

詩話總龜

臨潼縣靈泉觀唐華清宮也自唐迄今題詠不可紀惟  
張文定及進士楊正倫詩最佳文定詩云當時不是不  
窮奢民樂畧平少嘆嗟姚宋未亡妃子在塵埃那得到  
中華正倫詩云休罪明皇與貴妃大都衰盛兩相隨唯  
憐一派溫泉水不逐人心冷暖移又鄭文寶詩云只見開  
元無事久不知貞觀用功深皆爲知音所賞

詩話總龜